

**CORPUS
SCRIPTORUM CHRISTIANORUM ORIENTALIIUM**

CURANTIBUS

I.-B. CHABOT, I. GUIDI
H. HYVERNAT, B. CARRA DE VAUX

SCRIPTORES SYRI

VERSIO

SERIES TERTIA — TOMUS XXV

VITAE VIROURUM

APUD MONOPHYSITAS CELEBERRIMORUM

I



PARISIIS

E TYPOGRAPHEO REIPUBLICAE

CAROLUS POUSSIELGUE, BIBLIOPOLA

15, RUE CASSETTE, 15

LIPSIAE : OTTO HARRASSOWITZ

MDCCCXVII

I

VITA ISAIÆ MONACHI

AUCTORE ZACHARIA SCHOLASTICO

INTERPRETATUS EST

E. W. BROOKS.

Opus in duobus codicibus asservatur, nempe : 1° Brit. Mus. Add. 12, 174, et 2° Berolin. Sachau 321; de quibus pauca præfati sumus in nostra editione textus syriaci.

Haec autem vita, quae graece proculdubio scripta est, ab interprete, ut videtur, syro vel compilatore « Zachariae scholastico, qui historiam ecclesiasticam scripsit » (qui a ceteris appellatur « rhetor ») attribuitur, quod utriusque operis comparatio confirmat; sed, quin auctor Zacharias scholasticus Gazensis fuerit, qui Severi vitam composuit, ob locum *Vitae Severi* (ed. Kugener, p. 83), vix dubitari potest; unde duos Zacharias eandem fuisse personam effici videtur; id quod negavit Kugener, argumentis operi quod nondum apparuit reservatis¹: verum ut de hac re disputem spatium non suppetit. Cum opus Misaëli cubiculario inscriptum sit, id inter annos 492² et 518 vulgatum esse constat, sed materiam iam anno 488 collectam esse a loco vitae Severi supra citato probavit Kugener. Auctor se vitam Petri Iberi (cuius fragmentum in hoc volumine edidi) et vitam Theodori Antinoes (nunc deperditam) iam antea scripsisse adfirmat.

Notitia bibliographica :

a. Editio : J. P. N. LAND, *Anecdota Syriaca*, t. III, p. 346-356; Leiden, 1870.

¹ *Byz. Zeitschr.*, IX, p. 464, n. 1. — ² KUGENER, *Rev. de l'Orient Chrét.*, V, p. 206, et *Byz. Zeitschr.*, IX, p. 469.

b. Versio germanica : K. AHRENS et G. KRÜGER, *Die sogenannte Kirchengeschichte des Zacharias Rhetor in deutscher Übersetzung herausgegeben*, p. 263-274, cum doctis adnotationibus (p. 385-387); Leipzig, 1899.

Vide etiam M. A. KUGENER, *Observations sur la vie de l'ascète Isaïe, etc.* (*Byz. Zeitschr.*, IX, p. 464 sqq.), 1900.

E. W. B.

Historiis quae prius narratae sunt tertium adiunxi Isaiaem prophetam secundum huius generationis nostrae¹, qui fidei et rectae opinionis et vitae rationum cum his viris illustribus et sacerdotibus
5 summis Petro et Theodoro in omni re particeps erat.

Hic² Theodorus monachus magnus erat in Aegypto, miraculorum patrator : et, cum Timotheus episcopus esset Alexandriae post Dioscorum, de eo *fanam* audivit Timotheus, et misit eumque comprehendit, et in Aegypto episcopum fecit, in urbe cui nomen
10 Ἀντιόχου³. Et, cum tempus *nonnullum* in ea fuisset, Deo illic etiam miracula per eum faciente, post Timothei mortem, cum res novas contra ecclesiam excitatas esse vidisset, sede sua relicta discessit; et abiit et in monasterio suo unde Timotheus eum ceperat habitavit; et ibi secundum morem suum conversabatur, dum Deus miracula et
15 potestates et signa per eum facit et ab omni loco multi ad eum veniunt et adiuvantur. Hic autem pater Isaiaes est cuius est liber ille admonitionis. Hi enim tres beati uno tempore fuerunt, hic beatus Petrus, et hic Theodorus, *et pater Isaiaes. Scripsit autem *p. 4.
etiam hanc historiam Zacharias scholasticus qui historiam ecclesiasticam scripsit.
20

Hic autem, quod ad virtutem attinet, magno Antonio, qui post Paulum laudatissimum rationes vitae solitariae in Aegypto incepit, gradu aequalis apparuit. Cuius vitae rationes in omni re
aemulatus, ipse se typum cunctae virtutis reliquit eis qui post eum
25 monachismi vitam culturi erant; cum corpore Aegyptius esset, animae autem nobilitate Hierosolymitanus, quae ipsa *urbis* urbem supernam figurat et elevationem ad bonum primitivum loci ubi eramus, ut dicit divinus Gregorius⁴. In Aegypto igitur educatus, monachismi vitae se ipsum dedit; et imprimis eorum quibuscum
30 habitabat vitae ratione communi utebatur; et sub rectore erat, qui ei monachismi habitum dedit. Brevi autem tempore contemptu corporis et fervore animae et observantia divinae imaginis adeo progrediebatur ut gratiam quae ei a Deo data est nemo non admirare-

¹ Cf. ZACH. RH., v, 9.; Vit. Petr. II. (ed. Raabe), p. 101 ff.; ZACH., Vit. Sev. (ed. Kugener), p. 78. — ² Haec sectio ab interprete syro inserta esse videtur. —

³ Cf. ZACH. RH.,⁴ vi, 1, 2, 4; ZACH., Vit. Sev., l. c. — ⁴ GREG. NAZ., Or. XIV, 15; XXXIII, 12 (?).

tur; per quae pure et cum amore animam suam ei adplicuit, se ut omnes homines ad vitae rationum perfectionem provocanti¹. Et, quia sibi prodesse iudicavit ut a laudibus hominum fugeret, se a ceteris separavit, et in desertum ivit, et se ipsum Deo soli ostendebat, omnium rerum Creatori, qui a talibus animis amatur eas-
 5 *que amat, et servitium earum quaerit quod purum est et sincerum*
 p. 5. *et *ab omni macula liberum; et exinde totam operam huic rei dedit ut omnia mandata eius perficeret. Quamobrem audito mandato,*
«Dominum Deum tuum ex omni corde tuo et ex omni anima et ex omni mente diliges, et vicinum tuum ut te ipsum»², postquam 10
trinitatem amoris qui Deo debetur perfecit, et omni corde et omni anima et omni mente hunc amavit, vicinum etiam ut se ipsum adeo amabat, ut, cum quidam ex eis qui illo tempore monachismi vitam profitebantur ad eum intrasset et capite ac collo ob defectum tegu-
menti frigeret, cum eo pateretur et doleret, et ipse etiam eodem 15
modo propter illum frigeret; et, quia aliam tunicam non habebat eo quod statuto divino parebat³, semipallio quod super collum suum positum erat in duas portiones diviso, unam portionem sibi retinue-
rit, alteram autem ei qui ad se venerat dederit⁴ : adeo hic vir sanctus mandatorum divinarum observator diligens erat. Igitur prop- 20
ter ascetim immensuram, et ceteras virtutes quae his⁵ adiunctae sunt, et observantiam motuum animi, et contentionem vigilem contra diabolum et contra ceteros demones amaros, et propter humilitatem quae praecipue cum his contondit et omnem virtutem continet, dona spiritalia diversa, praesertim scientiae et vaticinationis, a 25
Deo meritis est. Et, quia magna erat fama quae de eo in Aegypto
 p. 6. *praevaluit, et testimonium *sapientiae quae ei de discrimine cogitationum monachismi et omnis vaticinationis data est, et ob causam horum donorum multi ad eum veniebant, et ei de his omnibus gratulabantur, neque ei mittebatur ut modo quo volebat (et hoc* 30
cum in deserto interiore habitaret) quietudine sibi dilecta frueretur, placuit ut Aegyptum relinqueret et ad Palestinam veniret, ut a laudibus hominum prorsus effugeret, quas plagas esse demonum contra aures accipientium admotas putabat, et, cum commoratione in terra aliena terram suam mutasset, hoc modo quietudinem ad- 35
quirere posset.

¹ Vel «admiraretur, per ea quae.....anima eius sibi adiunxit, se.....provocantem». — ² Матт., XII, 37, 39. — ³ Матт., I, 10. — ⁴ Similis historia de S. Martino Turonensi nota est. — ⁵ Sic textus.

Cum Hierosolyma igitur venisset, postquam symbola adventus divini et passionum salutarium veneratus est, quorum symbolum est crux Domini nostri Iesu Christi, et post eam sepulcrum et resurrectionem tertii diei, ut in deserto habitaret Eleutheropoli
5 urbi vicino decrevit. Et, cum in hoc habitationem cepisset, nullo modo a sanctis omnibus in deserto Iordanis et in locis qui philosophiam exercentibus idonei sunt circa Hierosolyma et in
omni Palestina habitantibus celari potuit, Dei gratia quae sibi data est in omni loco virum proclamante, et praecipue dono sapientiae
10 et vaticinationis. Quamobrem multi ad eum veniebant : *quorum* pars, cum ob causam pugnae demonum quae per cogitationes eis acciderat ad eum venirent, sanationem recipiebant, qui ei passionem suas revelabant, et ei etiam qui *passiones* ab eo celare conabantur, * eo quod Deus ei secretas cordis eorum cogitationes et de-
15 monum machinationes revelabat, eodem modo sanabantur : pars, quibus tristitiae instabant et quos rerum difficultas circumdabat, cum ad eum venirent, per preces eius et compassionem sibi *datam*, et per ea quae eis suadebat et admonebat eum difficultates suas accipere reperiebant. Multi autem qui a demonibus etiam tenta-
20 bantur et passionibus aliis corporaliter urgebantur, cum ei adpropinquarent, per Dei gratiam, quem diligenter venerabatur colebatque, sanatione qua egebat unusquisque eorum fruebatur¹. Neque enim Aegyptii, monachi et saeculares, propter distantiam interpositam ad eum venire et utilitate spiritali ab eo *data* secundum mo-
25 rem frui desierunt. Adeo apud omnes homines, et Aegyptios et Palestinenses, celebris erat gratia quae ei a Deo data est, ut etiam saeculares quidam, ut antea dixi, de difficultatibus sibi accidentibus eum interrogarent. Qua de causa, cum servus *vir* cuiusdam cui nomen Nestorius scholastici, curialis a Gaza urbe, pecuniam huius
30 furatus fugisset, Nestorius quosdam Christum amantes qui ad eundem sanctum crebro veniebant obsecravit ut se cum eis ad eum ducerent, ut ab eo de rebus quae se vexabant disceret : et, quia cum eis ad eum venit, eum cum aliis qui prius venerant collo-
quentem invenit de *dicto* : « In imagine Dei * fuit homo »²; et, ne pu-
35 taretur velut ad hariolum quendam quales apud paganos sunt ob causam amissionis pecuniae tantum ad eum venisse, causa ob quam venerat ad tempus celata se interrogationem spiritalem fa-

¹ Sic textus, contra grammaticam. — ² Gen., 1, 27.

cere primo simulabat, eo quod eum rogavit: «Quomodo intelligere debemus illud: In imagine Dei fuit homo?» Ille autem, cum causam propter quam ad eum venerat a Deo cognovisset, dixit ei: «Significat illud «in imagine» ut, si, cum servus tuus pecuniam tuam furatus fugerit, hunc cum pecunia illa invenire possis, nihil 5 prorsus mali ei inferas, sed ei culpam illam condones. «Este enim «misericordes», dicit Dominus noster in Evangeliiis, «sicut Pater «vester qui in caelis misericors est, et solem suum in iustos et in «iniustos oriri facit»¹, dum per haec nos ad similitudinem suam et Patris sui provocat, et ad eandem imaginem in qua fuimus.» 10 Cum haec audiisset Nestorius et vidisset eum per unum responsum etiam ad interrogationem in corde suo absconditam respondisse, surrexit et coram Deo propter hoc in faciem incidit, se ob hanc ipsam causam ad eum venisse confessus. Is autem dixit ei: «Si vis igitur pecuniam illam invenire, mandatum illud Dei observa, et 15 es irae haud tenax, ut illud «in imagine» observes; neve ob rationes carnales tantum ad monachos venias, sed etiam ob animae utilitatem.» Ille autem se haec facturum professus ad regionem suam rediit; et paulo post illum servum suum invenit cum illa ipsa pecunia quam furatus erat. Dionysius autem, qui et ipse *scholasticus 20 erat a Gaza urbe et Christi amantissimus², etiam hoc de hoc ipso sancto viro mihi narravit. «Venimus», inquit, «ad eum ego et alii quidam propter utilitatem spiritalem; et, dum ad eum iter facimus, accidit ut cum servo meo rixatus eum percusserim. Cum igitur ad eum venissemus, prius nobis nuntiavit quam a quoquam e 25 nobis vel a servo illo quidquam audiret, et ceterorum unicuique per nutus, cum secundum passiones animales quae eum urgebant loqueretur, et harum sanationem promitteret, ita ut illi, delicta sua confessi, quae se solos scire putabant, poenitentia affecti sint et fletu impleti; ad me autem intuitus dicit mihi aperte: «Ne rixosus sis et iracundus, neve eos qui in imagine Dei facti sunt ferias»: ita ut omnes, cum sapientia simul et gratia ab eo redarguti, ante eum inciderimus, ut is Deum obsecraret ut nobis clemens esset.»

Is autem propter tale donum et redargutiones peccatorum humanorum quae ab hac re prodeunt, cum a vana gloria effugere vellet et 35 mandatum observare quod dicit: «Nolite iudicare, ne iudicemini»³,

¹ Luc., vi, 36; Matt., v, 45. — ² Cf. Vit. Petr. Ib. (ed. Raabe), p. 100 et sqq. — ³ Matt., vii, 1.

- quia omnium qui ad eum veniebant, sive monachorum sive saecularium, facta ei revelabantur, ad *regionem Gazae venit, et in lo o* quodam qui illic *est* monasterium extruxit, et se ipsum in cubiculo quodam eius inclusit, et *eum nullo prorsus colloquebatur, nisi cum*
- 5 Petro principe discipulorum suorum, qui et ipse, *quod ad regio-^{p. 10.} nem terrestrem attinet, Aegyptius erat, quod ad supernam autem et ad Deum ducentem, Hierosolymitanus, viro in omnibus rebus spiritali et doctrina eius digno, et cum hoc post noctis canonem et Dei ministerium et hymnos matutinos usque ad horam tantum no-
- 10 nam. Accidit igitur ut post horam nonam quidam e viris Deum amantibus ad eum venerint; quod cum prius a Deo cognovisset magnus Isaias, eis qui ad se venturi erant munera numero aequalia reliquit, ne illorum causa discipulus eius post horam nonam ei molestias praeberet. Narraverunt igitur nobis *vir* quidam sanctae
- 15 ecclesiae studiosi a regione Gazae maritima : « Tempore defectionis Illi et Pamprepii, quae ab eis contra Zenonem regem qui religiose vitam finivit facta est, propter hunc ipsum illum conturbati, qui a Pamprepio mago deceptus esse et ad paganismum declinasse dicebatur (et expectabant *homines* eos, si bello contra Zenonem *gesto*
- 20 victores fierent, templa demonum paganis aperturos), ad eum venimus; et huius discipulum (cuius mentio facta est¹), hora nona iam praeterita, nobis munerum numero aequalium canistrum portantem invenimus; et dixit: « Pater haec munera vobis paravit : et « pro vobis omnibus curae vestrae religiosae causa supplicatione facta
- 25 « vos ob defectionem horum paganorum turbari vetat : nubes enim « est, et cito dissolvetur². » Porro adiecerunt se, cum ad Petrum *illustrem qui ex Iberia etiam eadem de causa irent, idem responsum* audire. Adeo ambobus unum idemque *donum erat; unius enim Dei^{p. 11.} solius, qui in Trinitate sancta et coessentiali adoratur, veri servi ac
- 30 ministri erant : qua de causa alter alterum commemorare non cessabant, et alter cum altero in spiritu erant, et eandem satisfactionem³ a Deo merebantur de rebus de quibus ei supplicabant. Igitur, cum quaestio in Palestina inter monachos quosdam agitata esset, si Domini nostri corpus nobis coessentialia confiteri debeamus, et celeberrimus Petrus eos qui ita non confiteantur anathe-
- 35 matizasset, quidam ex eis apud eum perstiterunt, cum eis qui eius

¹ Vox. ~~πολλοι~~ hoc sensu lexicis incognita. — ² Eadem historia de Athanasio et Iuliano a Rufino (*H. E.*, I, 34) narratur. — ³ *πληροφωρία*.

opinionem tenebant, de hac ipsa re disputantes; et ambabus partibus placuit ut magnum Isaiam interrogarent quam opinionem de hac re teneret; cum alteri alteris promississent se eis quae de hac ipsa re dicturus esset consensuros. Et, quia ad eum venerunt, eandem sententiam ex eo audierunt, contra eos qui unum Dominum nostrum Iesum Christum Deitate Patri coessentialem, et humanitate eundem nobis coessentialem esse non confitentur. Et, de canonum quaestione, quae Alexandriae fuit, inter eos qui propter hoc alteri ab alteris se separabant, cum interrogati essent ambo, uno consensu sententiam dederunt. Ad Isaiam celebrem venerunt Iohannes admirabilis, qui monasterii in Aegypto *siti* archimandrita erat, et Scenhnyti episcopus¹, qui et ipse donis diversis spiritalibus illustris fuit, multis viris sanctis, Aegypti monachis, secum adductis, inter quos erat magnus pater Agatho², et Iohannes³ qui Pnpsws⁴ vocabatur, * et pater Pns w⁴. Et, quia huic viro sancto necesse erat eos colloquio recipere, ita ut omnibus aequalitatem observaret, neve alios recipere, alios non recipere videretur, ianua his diebus aperta, omnibus se ostendebat, qui ab omni loco ad eum veniebant, et colloquia communia cum omnibus faciebat. Talis autem erat sapientia quae ei a Deo data est, quamquam doctrina profana prorsus non exercitatus erat, ut Aeneas qui sophista erat Gazae urbis, vir christianissimus et doctissimus, et omni sapientia insignis, ut dixit mihi quidam ex eis qui apud eum assidue erant, *dixerit*: « Saepe, quando in locis quibusdam de verbis Platonis, vel Aristotelis vel Plotini dubito neque apud eos qui illorum sententias docent et interpretantur solutiones eorum invenio, eum interrogo, et mentem illorum mihi claram et manifestam facit, et quid dicere voluerint, necnon et quomodo talis error redarguatur, et veritas doctrinarum christianarum confirmetur. » Adeo erat vir a Deo in omnibus instructus, et de operum patratiōe et de theoria rerum physicarum et de theoria theologiae venerandae, ut nemini eorum qui philosophi theoria sollertes dicebantur scientiae abundantiam concederet. Ab hoc autem composita sunt scripta multa de admonitione et aliis vitae monachicae rationibus, quae * de eo quoque testificantur quod a divino apostolo Paulo dictum est: « Habemus hunc thesaurum in vaso fictili »⁵; et: « Stultos mundi et contemptos elegit Deus ut fortes

* p. 12. 15
20
25
30
35

* p. 13.

¹ Cf. ZACH. RH., VI, 1, 2, 4; ZACH., Vit. Sev. (ed. Kugener), p. 78. —

² Cf. ZACH. RH., VI, 4. — ³ Cf. ZACH. RH., VI, 1, 2, 4. — ⁴ Vocalia incerta. —

⁵ II Cor., IV, 7.

destruat¹. Narravit mihi etiam Bosporius, qui postea episcopus Sinopes fuit, cum adhuc scriniarius esset officii praefectorum: «Ad cum veneram, cum cogitationibus urgerer, et mihi in animo esset eum interrogare si mihi expediret ad connubium venire. Is autem,
5 cum a me nihil audisset, per patrem Petrum discipulum suum mihi nuntium misit: Quare animus tuus velut mare turbatur? Tuum est quod vis facere vel non facere. Et, cum mihi in animo est eum rogare si adstet finis, eo quod eum hoc omnibus adfirmare audiebam, et, si hoc ita est, ad connubium venire non debeo,
10 nuntium mihi misit id quod scriptum est: Tempus est ultimum²; neve cor tuum in ulla re dubitet, quia adstat finis.» Rogatus est a viris quibusdam sanctis ut de veritate diceret si passiones vicisset; et si Dei gratia talem gradum meritus esset. Is autem dixit se agricolae similem esse qui in agro suo circumeat, ut, si radicem no-
15 xiam inveniatur, hanc evellat.

Gratiae signa quae his tribus sanctis a Deo data est quorum vitae rationes secundum vires meas scripsi, quorum alia ab aliis quibusdam fide dignis separatim audii, et aliorum ipse etiam in parte experientiam cepi, cum audisset Zeno qui religiose vitam
20 finivit, et *homines videre cupiisset, Cosmam, qui unus ex eu-^{p. 14.} nuchis regis erat et in primis ordinibus collocatus, ad eos cum litteris suis misit, per quas eos obsecrabat ut ad se cum sanctis quibusdam aliis venirent, ut oculis suis horum virtutes videret et preces acciperet, et doctrinis eorum ac benedictionibus vere
25 sacris et spiritalibus frueretur³. Sed magnus Petrus, priusquam litterae regiae ei darentur cum vim earum didicisset, ut qui ab omni vana gloria fugeret, sese abscondidit et non apparuit: quo tempore Palestinam reliquit et ad regiones Phoenices Maritimae pervenit. Theodorus autem admirabilis, cum Alexandriae et ab eu-
30 nucho regii cubiculi qui nominatus est et ab eo qui illo tempore ordinis militaris regimen et rerum civilium administrationem gerebat cum episcopis aliis ascetis et presbyteris et monachis ut ad regem iret obsecratus esset, ne ceteris noceret, qui vocationi regiae id quod iustum erat concedere volebant, consensum dare visus est:
35 tempore autem invento quod ei occasionem praebebat, et is etiam sese abscondidit et non apparuit. Quia autem is qui litteras regias

¹ I Cor., 1, 27, 28. — ² I Ion., 11, 18. — ³ Cf. Vit. Petr. Ib. (ed. Raabe), p. 103 et sqq.

adduxit ad magnum Isaiam etiam in Palestinam venire tardaverat, ad eum venit, et epistolam regiam ei dedit, eumque secum collo-
 * p. 15. quium facere urget. Hunc autem secundum *orationem quam ora-
 verat recumbentem et aegrotantem et corpore tumentem invenit, eumque pro rege orantem et eum ob fidem eius laudantem audit, 5
 simulque dicentem se propter corporis necessitatem quae appareret eum adire non posse, nisi fortasse corpus quod mortuum esset et cadaver non post multum *tempus* ad regem portare vellet; ita ut Cosmas, his auditis, ut pro rege et regina et omni republica et se ipso oraret eum obsecraverit, et rogaverit ut si modo litterarum 10
 communione regem honoraret. Is autem hoc idem fecit, et omnia quae dicta erant peregit, et regis eunuchum cum benedictionibus et litteris dimisit : et statim post huius discessum ad Dei ministerium secundum morem suum sanus surrexit, nulla iam corporis infirmitate eum opprimente¹. Et, cum se iam ab omnibus passionibus 15
 liberum et vana gloria superiorem ostendisset, et potestate sibi a Deo data diabolum et demones et cunctam potentiam eorum, sicut scriptum est, conculcasset², et Antonium secundum se coram Deo constituisset, corpus temporarium terrae reliquit, et ad eum quem diligebat discessit³, herede et vicario Petro discipulo suo relicto. 20

Scriptas habes historias horum trium illustrium qui hac generatione nostra fuerunt, quas ad gloriam Trinitatis sanctae et coessentialis scripsimus. Precibus igitur ac supplicationibus eorum sit tibi, Misael Christum amans et magnificentissime⁴, ut cum cubiculorum regionum gubernatione vita tua bene dirigatur, et a tentatione for- 25
 * p. 16. nacis quae hic est⁵ plene effugias, et in regno *superno Dei magni et Salvatoris nostri Iesu Christi, Regis regum et Domini dominorum, stare mereas : cui gloria in saecula saeculorum, Amen !

FINITA EST HISTORIA DE BEATO PATRE ISAIA.

¹ Cf. ZACH. RH., VI, 3. — ² LUC., X, 19. — ³ Cf. VIT. PET. IB. (ed. Raabe), p. 124 et sqq. — ⁴ Cf. SEV., Ep., I, 17, XI, 1; JOH. EPH., De beat. orient., cap. 57; JOH. MAL., Exc. de ins. (ed. De Boor). p. 43. — ⁵ DAN., III.

II

FRAGMENTUM VITAE PETRI IBERI

AUCTORE ZACHARIA SCHOLASTICO

INTERPRETATUS EST

E. W. BROOKS.

Hoc fragmentum, a Sachau silentio praetermissum, in Cod. Berol. Sachau 321, fol. 105 r^o, exstat.

Cum a vita anonyma a Raabe edita differat, id ad Zachariae opus deperditum, de quo diximus in praefatione ad vitam Isaiae, pertinere vix dubitare licet. Tria folia tantum in ms. deperdita sunt; dimidium autem folium finis vitae Theodosii occupabat : unde vitam Petri brevissimam fuisse manifestum est.

E. W. B.

..... et iam etiam vanis gloriis, a quibus
contumeliae passiones nasci solent. Et hoc vinculum silentii tempo-
rarii acceperunt, ut per hoc purgentur, et «mensuram sermonis et
silentii», ut dicit Gregorius¹, discant.

FINITA EST HISTORIA DE PETRO IBERO.

GREG. NAZ., *Or.* xxvii, 5.

III
NARRATIO DE OBITU
THEODOSII HIEROSOLYMOREM
ET
ROMANI MONACHI
AUCTORE ANONYMO
INTERPRETATUS EST
E. W. BROOKS.

Hoc opus in eisdem codicibus in quibus vita Isaiae asservatur.

Auctorem cum discipulo Petri Iberi anonymo qui eius vitam a Raabe vulgatam conscripsit eundem fuisse ex eo liquet quod se narrationem mortis Theodosii iam superius promisisse adfirmat; haec autem promissio in Petri vita invenitur, cui narratio nostra quasi appendix videtur esse adiuncta. Opus, sicut ceteras huiusmodi vitas, graece scriptum fuisse vix dubium est; id primus edidit Land, anno 1870, et Zachariae perperam adscripsit.

Notitia bibliographica :

a. Editio : J. P. N. LAND, *Anecdota Syriaca*, t. III, p. 341-345; Leiden, 1870.

b. Versio germanica : K. AHRENS et G. KRÜGER, *Die sogenannte Kirchengeschichte des Zacharias Rhetor in deutscher Übersetzung herausgegeben*, p. 257-263, cum doctis adnotationibus (p. 384, 385); Leipzig, 1899.

E. W. B.

Quia autem memini me superius pollicitum esse me modum obitus beati Theodosii episcopi Hierosolymorum et confessoris et
5 martyris narraturum¹, debitum nunc paucis *verbis* solvere necesse est. Cum vero secundum Marciani mandatum expulsus Hierosolymis discessisset, in Aegypto celatus atque incognitus habitabat. Eodem autem tempore pater Romanus etiam, pater monachorum, machinatione et consilio Iuvenalis apostatae, cum comprehensus
10 esset, Antiochiae esse et custodiri iussus est; et cum eo comprehensus est etiam Timotheus qui monasterii Hypatii archimandrita erat, quod ab urbe sancta circa septem millia passuum *distat*; cum autem a beato Theodosio in urbe quadam earum quae sub eo
erant episcopus factus esset, dum in exilio sunt, angor animi quidam et quaestio inter eos fuit de rectis doctrinis et de fide: dicebatur enim Timotheus haeresim Eutychianistarum participare et
15 « nostrae naturae »² dicere recusare. Quorum de disputatione certior factus Theodosius ille archiepiscopus, cum in Aegypto habitaret, et ne multi offenderentur veritus, quia principes erant *orthodoxorum, *p. 22.
20 cum se ipsum constrinxisset, operam dedit ut ipse in Syriam ad urbem Antiochiam clam perveniret, eosque ad concordiam ac pacem adduceret. Quidam autem dicunt ob hoc praesertim prope-
ravissem illum pastorem bonum hoc iter facere, quia ad sanctum Simeonem ire ac pervenire vellet, qui in his regionibus super
25 columnam stabat et pietatis causa a multis laudabatur, neque eum a Theodoreto et ab aliis haeticis decipi sinere, et apostasiae eorum adsentire (quoniam simplex erat et innocens et omnino indoctus, et exactitudine doctrinarum rectarum ecclesiae haud exercitatus), et ex hac re multis scandalum fieri. Sed studium eius
30 impedivit Satanas, adversarius Israel³, qui ei priusquam ad colloquium senis perveniret insidiatus, cum eum praedam fecisset, vinculum cepit et coram Pharaone constituit. Cum enim totum iter iam sedulo complexisset, ab Aegypto usque ad Syriam, cum ante portas urbis Antiochiae advenisset, Gaiano occurrit, chorepiscopo ecclesiae

¹ Vit. Pet. Ib. (ed. Raabe), p. 62. — ² Corpus nempe Christi esse. — ³ Scilicet « generis nostri ».

illius loci, a multis stipato; et, cum unus ex eis qui ei anteibant eum cognovisset, quoniam in his regionibus habitaverat, in *monasterio* quod vocatur monasterium domus Mār Bzy¹, et ipsi chorepiscopo notum fecisset, statim comprehensus est ut praeda magna, et quae antea in omni loco quaesita esset: et, cum principibus urbis traditus esset, in custodia ab eis inclusus est; et statim regi notum fecerunt. Marcianus autem de archiepiscopo comprehenso ab eis
p. 23. certior factus *eum Constantinopolim mitti et adscendere iussit, ab urbe ad urbem per officiales² transmissum. Et, cum adscendisset, primo operam dabat ut per blandimenta zelum eius relaxaret, eique persuaderet ut impiae Chalcedonis synodo adsentiret, amorem erga eum et amicitiam et beneficia multa ei pollicitus. Cum autem inexorabilem et immobilem et invariabilem eum vidisset, et omni tribulationi et patientiae paratum, archimandritae monasterii quod vocatur Dii eum tradidit, pravae opinionis Nestorii zelotae, et synodi Chalcedonis propugnatori; qui regi pollicebatur se eum impietati adsentire facturum, vel, si nollet, omni contumelia et improbitate et tribulatione perditurum. Quem, cum cepisset, imprimis multo honore et multa suavitudine tractabat, ut qui ei blandiretur ut regi pareret et synodo impiae communicaret, dum multa quidem blandimenta ac promissa, multas autem minas ei offert. Cum autem e spe sua excidisset, et beatus Theodosius martyris modo zelum divinum ac fidem orthodoxam retineret, in cella quadam angusta quae calce plena erat tempore hiberno eum inclusit; et adeo eum tribulatione et cruciatu adflixit ut per omne corpus et pedes et stomacho aegrotaret, et doloribus acerbis opprimeretur, fame et siti et frigore affectus, nec quisquam e familiaribus eius eum visitare sinebatur. Illo tempore accidit ut moreretur Marcianus, a Domino *ictus: et, cum vidissent ei qui eum tenebant spiritum paene ultimum exhalare episcopum Theodosium confessorem, et in eo esse ut moreretur, rem eius Leoni notam fecerunt, qui tunc rex factus est: et, licentia concessa, ut amici eius eum adsumerent permisit; ei autem eum adsumpserunt et Sycas apportaverunt. Et, cum paucos dies vixisset, et infirmitas multa eum cepisset, ita consummatus est, corona confessionis ac martyrii induta. Quando autem consummatus est, beatus Petrus pater noster Alexandriae erat; et eadem nocte eum in visione vidit a multitudine angelorum

¹ Vocalia incerta. — ² ταξιδῶται.

stipatum et habitu albo quo archiepiscopo Hierosolymorum mos erat cum baptizaret vestiri amictum ita in caelum exaltari. Fratres autem qui cum eo erant, consilium facere Diphysitas ut corpus eius abreptum in aliquo templorum suorum ponerent, et famam
 5 divulgarent quasi iam eis consensisset et impietati eorum communicasset, certiores facti, omni studio consilium excogitaverunt, et, corpore eius sancto celeriter adsumpto et in navem iniecto, statim in altum vecti sunt. Et, cum ad Cyprum venissent, summum sacerdotem et confessorem et martyrem in monasterio posuerunt,
 10 quod illo tempore monachi orthodoxi tenebant et in quo habitabant. Est autem commemoratio eius die tricesimo kânun prioris, continuo post diem commemorationis Iacobi qui vocatur iustus et frater Domini nostri, qui etiam primus fuit archiepiscopus Hierosolymorum : et admirandum est quomodo commemoratio summi
 15 sacerdotis primi Hierosolymorum et commemoratio Theodosii episcopi *orthodoxi simul pariter inciderint.

p. 25.

Beatus autem Romanus, pater monachorum et princeps patrum, quinque annis Antiochiae in exilio completis, multos et praedicatione orthodoxa illuminavit et ab errore ad veritatem convertit.
 20 Marcianus enim qui cum Deo contendebat alio consilio et alia expectatione beatum ibi inclusit. Quia Nestorianorum erat urbs illa illo tempore, quoniam mater fuit Pauli Samosatani et Nestorii impiorum, et illo tempore huiusmodi summi sacerdotes et clerici et maior pars laicorum in ea dominabantur, expectabat imperator fore ut fortis Christi miles beatus Romanus aut
 25 obtemperaret et ab haereticis perverteretur, aut periculum incurreret et periret; sed qui «sapientes in fraudibus eorum capit»¹, qui pro omnibus qui in eo sperant contendit, facinus eius in contrarium mutavit, eo quod servo suo tantam gratiam et sapientiam
 30 et potentiam dedit, ut eorum qui male opinabantur multos ab impietate conversos et erectos ad Dei timorem restituerit, et fidei orthodoxae zelotas fecerit, dicto prophetico Ieremiae in eo completo, «et captivi erunt qui vos captivos duxerunt»². Per omne autem tempus quo beatus Romanus Antiochiae fuit talis fames
 35 et defectus pluviae totam Palestinam attigit ut terra arefieret, et periclitarentur omnes fame consumi. Et, magno clamore contra apostatam Iuvenalem ab illius regionis incolis exorto, quoniam is

¹ I Cor., III, 19. — ² Jer., XXXVII, 16 (?) (Is., XIV, 2 ?).

- * p. 26. * causa exilii fuit illius sancti, et hanc ob causam talem iram iustam sibi a Deo inflictam esse dicebant, veritus miser ille ne lapidibus cum obruerent, vel aliter perderent, invitus apud Marcianum pro reditu patris nostri Romani intercessor fuit, cum Eudociae reginae etiam persuasisset ut secum ei supplicaret. Qui cum licentiam 5 dedisset, non ei tantum *dedit*, sed et eius causa mandavit ut omnes sancti in exilio¹ constituti in locum quisque suum rediret². Itaque beatus ad monasterium suum priscum³ rediit, quod in Tēgōa⁴ situm erat, unde discesserat. Et, quia in iurisdictione Iuvenalis situm erat, et quia vicus eis vicinus a malis quibusdam conturba- 10 batur, ad regionem Eleutheropolis urbis etiam venit; et, amicissime ab eis receptus, in loco mansit. Et, cum Dominus ante eum paravisset, invenit etiam cacumen quoddam monasterio et situi coenobii idoneum, circa duo millia passuum a templo sancti prophetae Zachariae *distans*, in limite vici qui vocatur Kēphar Tṽrbn⁴; 15 qui est Eudociae reginae : et eum deprecatur Eudocia regina, et monasterium magnum ac pulcrum ibi aedificavit, Deo adiuvante ac confortante : et omnia dedit misitque ut cubacula circumponeret. Cum igitur tempus multum in eo habitasset et vixisset, et animas multas omni sanctitate et vitae ratione evangelica instru- 20 xisset, et oves rationales, sacrificium Domino placens, coram Deo constituisset, necnon et certamen pulcrum pugnasset, et cursum suum complevisset, et fidem orthodoxam usque ad finem conservasset⁵, senectute bona ac *plena dierum ad Iesum sibi dilectum 25 migravit; et corpus eius sanctum ibi depositum est sub altari sancto. Miraculum autem magnum et in hac re fuit, quod celare non debemus. Cum locus templi aedificaretur, et fodere vellent fratres et locum sub mensa sancta parare in quo beatus deponeretur, is abnuvit et *hoc* fieri nolebat. Ei autem, cum obstare non auderent, templi solum planum facere tantum studebant (erat autem 30 rupes dura). Et, cum secarent et *solum* planum facerent, subito aperta est spelunca sponte creata et a Deo aedificata, quae sufficiebat ut sancti corpus tantum contineret. Et, cum post tempus, ut dictum est, mortuus esset, in ea sub altari sancto multa gloria ac *multo* honore depositus est. Est autem commemoratio sancti patris nostri 35 Romani presbyteri et archimandritae die vicesimo quinto *mensis*

¹ ἑξορία. — ² Sic textus, contra grammaticam. — ³ V. l. «in pace». — ⁴ Vocalia incerta. — ⁵ II Tim., IV, 7.

tesrīn posterioris, diebus sex ante commemorationem patris nostri Petri episcopi. Eos enim decebat ut, cum virtutes fraternas et honore aequales acquisissent, commemorationes etiam fraternas et vicinas haberent.

5 Eodem die est commemoratio beati Passarionis¹ presbyteri, pauperum sustentatoris et orphanorum educatoris, qui etiam archimandrita fuit sancti patris nostri Romani; qui etiam domum pauperum celebrem aedificavit, quae ante portas urbis sanctae ab oriente *stat* : cum quibus nos etiam regno caelorum dignos
10 habeat Christus Salvator noster, in saecula, Amen!

FINITA EST NARRATIO DE MORTE THEODOSHII EPISCOPI
SANCTI HIEROSOLYMORUM.

¹ Cf. *Vit. Pet. Ib.* (ed. Raabe), p. 35; Cyr. SCYTHOP., *Vit. Euthym.*, ap. CORNELIUM, *Eccl. Graecae Monumenta*, t. IV, p. 31, 32, 56, *Vit. Sabae*, ch. 6, 30 THEOPH., A. M. 5920.

IV

VITA IOHANNIS EPISCOPI TELLAE

AUCTORE ELIA

INTERPRETATUS EST

E. W. BROOKS.

Hoc opus in tribus codicibus asservatur, nempe: Cod. Musaei Britannici Add. 12, 174, Cod. Mus. Brit. Add. 14, 622, et Cod. Berolinensi Sachau 321. De his autem codicibus vide praefationem nostram ad textum syriacum.

Auctor vitae fuit Elias quidam, Iohannis discipulus, quem cum Elia Darensi (IOH. EPHES., *De beat. Orient.*, cap. 30) eundem esse putemus, ut fecit Kleyn (*op. infra cit.*, p. ix), rationem non video. Cum Callinici expugnatio commemorata sit, vitam non ante annum 542 conscriptam esse liquet. A graecorum verborum frequentia opus graece scriptum esse facile coniicias; sed, cum testimonia sanctae Scripturae syriacum textum referant, syriace compositum fuisse vix dubitare licet.

Textum syriacum e codicibus Musaei Britannici, cum interpretatione batavica, edidit H. G. KLEYN, *Het leven van Iohannes van Tella door Elias*; Leiden, 1882.

E. W. B.

HISTORIA SACRI AC BEATISSIMI IOHANNIS EPISCOPI TELLAE URBIS, QUAE ^{p. 31.}

IPSA UT MULTORUM VERITATEM AMANTUM AUXILIO SCRIBERETUR EUM QUI
CUM HOC IP SO SANCTO TEMPUS NONNULLUM HABITAVIT PRUDENTES QUIDAM
MUL TO STUDIO OBSECAVERUNT.

5 Fratribus spiritalibus et Christi amantissimis, Mār Sergio et
Mār Paulo in veritate ingenuis ¹, Elias adorator vester in Domino
salutem.

O honorum operum zelotae ac Christi amantissimi! tristitia
magna et angore affectus sum quia non est in me vis neque etiam
10 scientia ut, sicut digni estis et vobis debetur, laudationum coronam
vobis connectam, propter multa quibus ornati estis et in his Deo
placeti, et eis qui vos adspiciunt causa omnium beneficiorum
estis, praesertim quia patrum sanctorum ac spiritalium memoria
et commemoratio benefica in animis vestris conservatur; et hoc
15 quia, sicut librorum sacrorum lectione illuminati estis, filios iusto-
rum priscorum imitari didicistis, quomodo hi tunc studuerint et
operam dederint ut a benedictionibus patrum suorum thesauros
spiritalis in animis suis reponerent, quia vere crediderant primi-
tias linguarum patrum suorum divitias et thesauros divinos sibi
20 dare posse, quoniam quod supra est sentirent non quod in terra².
Ergo bene *vos laudat quicunque huic rei sufficit, quia iustos pris- ^{p. 32.}
cos, Isaacum et Iacobum et Iosephum et Elisaeum et huiusmodi,
in hoc quoque aemulati estis, ut spiritu abundetis et ob benedic-
tionem etiam huius patris spiritalis; praesertim quia carbo amo-
25 ris sancti viri et confessoris probati a corde vestro non exstinctus
est, quantum tempus furni instar probationi expositus est, sed ut
veri veritatis heredes eum magis amore accendistis. Bene igitur in
vobis probro afficiuntur et a conscientia sua iudicantur filii et disci-
puli qui a rectitudine in contrarium cum temporibus mutati
30 sunt, qui ob principatus amorem et vanam gloriam a recto statu
in laqueos et libidines multas inciderunt, quae stultae sunt et
noxiae, et homines excidio ac pernicie, ut scriptum est, mergunt³,
et se ipsos in miserias multas induxerunt, et, quasi de suo, velut
saxis asperis per contumelias suas acerbis atque accusationes bene-
35 factores suos lapidarunt, qui pro animis eorum vigilabant, pastores

¹ Ior., viii, 32. — ² Col., iii, 2. — ³ I Tim., vi, 9.

- suos dico ac magistros, ut his rebus eis placerent ad quos confugerunt, et quos se hic in hoc mundo transitorio magnos reddidisse putaverunt. Inter quas perturbationes vos et qui vobis similes sunt, quos, ut sicut a sancta scriptura dictum est apte et loco idoneo dicam, Dominus semen reliquum reliquit¹ ad consolationem nostram et confortationem et gaudium et coronam², qui nobis in loco vitae estis, vos qui tantum placuistis, dum in hac generatione molesta ac perversa commoramini³, sicut Lōt tunc inter rabiosos, in fide vestra perstitistis, fundamento vestro firmo *manente*⁴, neque
- p. 33. ob timorem *in contrarium recessistis, et Evangelii veritatem servavistis, quoniam super fundamentum apostolorum ac prophetarum aedificati estis⁵, et pericula contempsistis; qui inter ipsam vim tentationum operam multam dedistis utilitatis multorum causa ut non solum nomen huius sancti scriberetur admonitionis utilis nostrae causa et eorum qui post nos venient, sed ut etiam me incitaveritis⁶ ut hos mores eius ac labores, quoad fieri potest, parvitas mea summam litteris mandaret, et certamen in quo vitam finivit et confessionis coronam accepit. Et, quia de parvitate mea putavistis me tantum *opus* perficere valere, et huius sancti viri ac pastoris spiritualis laborum a pueritia eius donec a nobis ad Dominum nostrum discessit memoriam scriptis tradere, confiteor me, ut decens est, non sufficere. Meministis enim, fratres spirituales, vos me saepe exhortatos esse et incitavisse ut hoc ipsum facerem; et testimonium praebebitis me amoris vestro hoc exemplum dixisse: « Quis vult domum aliquam aedificare vel turrin, aut diadema vel coronam regis capiti idoneam polire, et materiae fabricationi omnium rerum quas fabricari vult idoneae ei paratae sunt, et privato⁷ dicit, cui nec nomina rerum et compositiones earum et concinnationes et collationes alius cum alia notae sunt: « Accipe, fili, vel poli vel « sculpe, et has fabricationes comple quas ego facere volui », cum
- p. 34. *scire oporteret fabricationibus et decorationibus earum sapientes tantum idoneos esse. » Et rursus Dei amoris qui in vobis est dixi, praeter quod « rei quam a me postulavistis non sufficio, ne quasi simplicitate mea et scientiae inopia huius viri admirabilis historiam utilem comminuam, quia in omnibus rebus deficio »; « Vos in Christo sapientes et scientia locupletes, hoc facite, praesertim

¹ Rom., ix, 29. — ² Philipp., iv, 1. — ³ Ibid., ii, 15. — ⁴ II Tim., ii, 19. — ⁵ Eph., ii, 20. — ⁶ Sic textus, contra grammaticam. — ⁷ ἰδιώτης.

quia etiam urbis huius sancti cives estis, ut misericordia digni habeamini qui in novo mundo ad urbem etiam eatis ad quam ivit, ubi omnes sancti commorantur.» Et mihi dixistis : «*Licet ea quae coram nos narravisti de moribus eius paullum sint de multo quod*
ad hunc sanctum pertinet, scribe, praesertim quia cum hoc viro tempus nonnullum habitavisti, et virtutes eius divinas oculis, quoad fieri potest, vidisti.» Et ego, quia perseverantiam vestram et petitionem hanc magnam vidi, ne huic voluntati vestrae admirabili praevaricator sim, quoniam utilitati multorum hoc vere in-
servit, si ut decens est ut superius dixi facere valerem, iam secundum potestatem meam orationum vestrarum auxilio incipere audeo, dum eum rogo quicunque ea quae in hoc libro infra scripta sunt leget ne verba simplicia audiat ac spectet, vel quod eadem in variis locis secundum id quod requiritur repetuntur, et beneficia
utilia omittat, quibus ei opus est qui amore, non invidia, legit.

Nescientibus autem dicere incipio * a qua urbe etiam fuerit hic ^{p. 35.}
 ipse S. Iohannes, qui Dei gratia episcopus in urbe Tella fieri meruit; et quae causa eum vocaverit et fuit monachus; et quot annos natus vitam monasticam amplexus sit; et quae clam fecerit prius-
 20 quam tonderetur ob metum matris suae vere Christum amantis; et quare matris eius nomen in eius historia commemoraverim; et in quo monasterio habitaverit; et qualis pater spiritalis ei fuerit; et quos labores *peragere* inceperit simul ac tonsus est et usque ad finem vitae suae sine mora et sine cunctatione; et quo tempore
 25 episcopatus gradum in urbe Tella meruerit; et quae certamina simul atque episcopus factus est eum invaserint; et qua fiducia ab urbe regia etiam redierit, quando cum septem sociis suis episcopis a rege sereno ac victore vocatus est, postquam episcopi veri ubique *exstantes* ab eis qui operam dederunt ut quasi de sua sententia syn-
 30odus Chalcedonis ecclesiam intraret e sedibus suis expulsi sunt; et quae fecerit hic sanctus cum vidisset homines *velut* captivos violentè abduci ut secundum definitionem culpabilem eiusdem synodi confiterentur; necnon et quomodo ab errore malo cultus hominis ad scientiam veritatis multa millia hominum eius opera in terra
 35Persidis conversa sint, quae, *quasi de novo idololatria, doctrina ^{p. 36.}
 impia Nestorii hominis cultoris obscurata erat; et quae consilia et machinamenta ab Ephraïm etiam Antiochiae multo studio adhibita sint ut hic sanctus comprehenderetur, ne rursus ea faceret quae aedificationi ecclesiae Christi faciebat; et quomodo hic ad Persas paga-

nos miserit, eosque donis adlexerit, et muneribus subiecerit atque incitaverit ut virum hunc Dei a montibus et desertis in quibus versabatur inter sanctos qui in eis habitabant caperent; et quomodo comprehensus sit et qua hora; et quoties pagani et magi, qui eorum¹ studio eum comprehenderunt, eum coram se constituerint; et quae ab eis in eo quod lingua sua hanzaman vocabant, hoc est in magnatum multorum concione, interrogatus sit; et quomodo Ephraim postea eum coram se Rhesainae introduxerit; et quae ab eo postulaverit ut diceret in disputatione turbata et incomposita et iracunda, et quae ab omni fastu² mundi adspiciebatur, et ab omni iustitia remota erat; et quae de eo mandaverit iudex eius, cum vidisset eum studio suo contrario non obtemperare, et quo eum cum magna Romanorum manu miserit; et in quo carcere exiguo angustoque eum et eos qui cum eo *erant* Antiochiae incluserint; et quae fecerint qui eum custodituri constituti erant; et quomodo sanctus Dei gratia³ roboratus sit, et sine metu verba sana eis assidue locutus sit, eis qui

* p. 37. cum eo ubique disputabant; et qui finis * bonus vitae suae in ipso carcere eius fuerit; et qua hora requieverit; et qua sepultus sit invidiae inimicorum operatione, qui non satiati sunt neque ab ira contra eum licet paullulum respiraverunt, nec cum cadaver eius ante oculos positum vidissent; et quod consilium fecerint inimici eius postquam mortuus est, ne perciperet urbs et zelo ferveret et corpus eius abriperet vel aliud quidquam male ordinate faceret; et quomodo hora mortis suae pro cunctis sanctae ecclesiae filiis oraverit, praesertim pro eis qui tantum eum odio integro sine causa oderant.

Ceterum, antequam menti satisfacere incipiam quae harum omnium rerum quas me coram vobis narraturum promisi initium ac finem audire sitit, o Christi amantissimi! ne culpam incurram ab eis qui quae leguntur audiant quod «vilia sunt et eloquentia atque ordine imperfecta», et «hoc ante illud scribi debebat» vel «hoc ante illud», vel «hoc aliter», vel «hoc non opus erat», vel «ita oportebat», vel «unde tot res sciebat is qui scripsit, qui a multo tempore de hoc sancto narrare incepit, quando virum nondum cognoverat?» Meministis enim me ab ipso initio dixisse me rei quantam a me postulavistis ut faciam parum sufficere: necnon et harum ipsarum rerum quas me in hac historia

¹ Sc. Diphysitarum, quorum tamen nulla mentio facta est. — ² *ὑπερηφανία*.

traditurum profiteor alias oculis vidi, alias ab educatoribus eius
 audiui, alias occasione aliqua ab ore eius audiui, quando tempore
 quo *tentatio ei occurrebat quietem ac tranquillitatem in qua post-^{p. 38.}
 quam monachus factus est conversabatur in memoriam revocabat,
 5 alias a genitrice eius audiui, at maiorem partem oculis vidi, ut
 antea dixi.

Opus est autem, ut opinor, imprimis dicere a qua urbe fuerit,
 propter multos qui nesciunt et hoc discere cupiunt. Erat vero
 hic sanctus ab urbe Callinico. Porro et hoc etiam dicamus, ho-
 10 mines complures in hac urbe fuisse Dei misericordia dignos :
 erant enim hominum amantes, fideles, pudici, sapientes, benefici,
 peregrinorum amantes, donorum prodigi, doctrinarum Spiritus
 amantes; et, quasi ab uno patre et una matre nati essent, alter
 alterum diligebant iusti qui in hac habitabant. Et, si quis dicere
 15 audebit : « Si virtute adeo ornabantur pars incolarum eius, quare
 Assyrii virga caesa est? »¹, audiat, ut fidelis, libros sanctos dicentes :
 « Quem Dominus amat castigat, et filios quibus ipse delectatur ver-
 berat »², et : « Si castigatione caretis qua omnis homo castigatur,
 alieni facti estis et non filii »³, et rursus : « Castiga me, Domine,
 20 misericordia, neve ira, ne me ad parvum redigas »⁴, et rursus : « Vir-
 ga tua et baculus tuus ea me consolata sunt »⁵, et rursus : « Beatus
 homo quem tu, Domine, castigabis. Iudicia enim Domini ut *abyssus »^{p. 39.}
 magna »⁶, et : « Quis est qui manum eius culpabit et dicet ei : Quid
 facis? »⁷. Vexantur enim et iusti etiam quando verberantur pecca-
 25 tores. Prophetam audiat quando ex ore Spiritus Dei qui in eo loque-
 batur Hierosolymis dicebat : « Ensem meum e vagina eius distrin-
 gam, et a te iustum ac peccatorem destruam »⁸. Contra eos qui
 verba inutilia et scientia carentia emittere properant et se iustitia
 sua a supplicio quod in alios iuste venit effugisse putant haec satis
 30 sunt.

Incipiamus igitur unde digressi sumus. Ergo ab hac urbe, ut
 antea diximus, erat hic sanctus, et a nobilibus inter *cives* eius : et
 annos duos et dimidium natus erat quando a patre orphanus relic-
 tus est. Et mater eius in viduitate remansit annos quinquaginta :
 35 fuit autem cum marito tres annos et dimidium; et, mortuo ma-
 rito, Deo die noctuque serviebat, ieiunio et oratione et multa

¹ Anno 542 a Persis capta est (Proc., *Bell. Pers.*, II, 21). — ² *Hab.*, XII, 6. —

³ *Ibid.*, 8. — ⁴ *Ier.*, X, 24. — ⁵ *Ps.* XXIII, 4. — ⁶ *Ps.* XCIV, 12, XXXVI, 7. —

⁷ *Iob*, IX, 12; *Dan.*, IV, 35. — ⁸ *Ez.*, XXI, 3.

abstinentia, et lacrimis et afflictione. Educabatur autem hic puer filius eius ab ea et ab avis suis, ut ipse haec narrabat, omni cautione ac diligentia, et omni animae corporisque cura, et eum litteris ac sapientia Graecorum erudiunt. Et annos viginti natum eum in praetorio ducis ipsius urbis ministrare fecerunt, ut exercitaretur 5

* p. 40. scilicet atque instrueretur : et *vestes delicatas secundum ordinem ministerii sui gerebat; et cibi diversi ei omni cura parabantur, tamen non polluebatur neque avidus erat; et paedagogum quendam ei gubernandi causa tradiderunt, qui Deum revera timebat. Et mater eius benedictionibus digna, cum in omni re et omnibus modis 10 filium suum educare studeret et instituere ne ei in ulla re causa offensae fieret, neve causa vituperii operatione adversarii ei accideret, et omnia bona videre eisque gaudere quae iuste et legaliter parentes probi filiis suis facere solent, unamquamque rem probam tempore proprio secundum leges pulcras quas Creator in natura im- 15 posuit, et secundum traditionem quam a libris sanctis accepimus, quae culpa caret, mulierem etiam ei despondit, et gaudio cordis sui connubium magnum grandibus expensis ei facere paravit. Et, cum apparatus ad hoc perfecti essent, Dei dispensatio cum omnibus rebus clam ambulabat, et haec fieri sinebat, ut tandem coram 20 multis cognosceretur a pueritia in eo magis valuisse Christi amorem quam amorem huius mundi. Et utrumque quasi in lance ante oculos posuit, et alterum cum altero comparavit, et cum cogitationibus suis in hanc quaestionem et in hoc certamen se iniecit, quidnam e decoribus et oblectamentis sine variatione ac sine 25 corruptione permaneat, divinum an humanum, transitorium an quod non transit, possessio ac divitiae caelestes an eae quae hic sunt

* p. 41. quae cum *temporibus et secundum tempora transeunt, et, quamvis tempus exiguum permaneant, tamen aliquando sicut umbra auferuntur et sicut somnium avolant. Et, quia mens eius spiritu 30 fervebat, et ignis quem Salvator noster mundo iniecit in anima eius flagrabat, vis animae eius non infirmata est, nec cura mulieris et liberorum et possessionum huius mundi incitatus est, neque earum rerum spes et recordatio magis in eo valuit quam cura quae in Deo est, et promissa futura et vita vera quae in eo est, et iudicia 35 eius tremenda et supplicium scelestorum, et ultio quae a maleficis in flamma ignis fiet¹. Et, dum mater eius rerum super-

¹ II *Thess.*, 1, 8.

suarum studio vehemens est, tacebat ac quiescebat, simul et certamen cum cogitationibus suis faciebat emergentibus et cadentibus, quatenus ex eis victoriam reportatura esset de qua contendebat. Et in omnibus rebus Deum in auxilium vocabat et dicebat:
5 «Ostende mihi viam tuam ut in ea vadam»¹; et rursus: «Quo purgabit adolescens viam suam ut mandata tua observet?»²; et: «Per prophetam tuum sanctum beatum praedicasti quicumque iugum tuum in pueritia sua accipit»³. Et in mente sua hanc cogitationem reposuit, et dixit: «Nisi a mundo omnino effugiam, lapsus
10 non evitabo». Et statim ad beatum quendam fugit, qui haud longe a Sura Romanorum vitam reclusam agebat, cui nomen fuit Abgâr, virum sanctum et iustum et laboribus magnis ac divinis insignem, ut ab eo benediceretur et colloquio eius frueretur, eique voluntatem suam clam nuntiaret. Et, cum didicisset mater eius quo vadisset,
15 mente capta quia filius paullulum ab oculis eius discesserat, cum servis et ancillis suis festinanter surrexit. Et, cum *eum adduxisset*^{p. 42.} ac domum venisset, sanctus se matri caute ac sapienter submittebat, dum eam absque molestia relinquere et in coenobium monachorum abire studet; id quod annos quinque faciebat. Et, matre ei
20 dicente: «Deo placere potes etiam cum in mundo es, ut ille quoque et ille ei placuerunt, quamquam in mundo erant et opes possidebant», dicebat ei: «Robustorum est hoc, o mater! ut in utraque re sine culpa recte servire possint, dum ea quae Caesaris sunt Caesari dant et ea quae Dei Deo, et sicut patres recti et sicut iusti quidam,
25 quorum nomina mihi commemorasti, in hoc mundo ambulent; et ego mundi negotiis implicatus Deo placere non possum»⁴.

Et die quodam librum historiae beatae Theclae cepit, quae a beato apostolo discipula facta est, et in eo legebat; et, quia vas electum⁵ erat, neque ut ceteri adolescentes aequales sui, qui in-
30 structionem non acceperant, telis ardentibus mali⁶ vulneratus erat, nec mundi cupiditatibus victus, quoniam gratia Dei et nutritorum cautione conservatus erat, Christi amor in anima eius fervere incepit; et statim beatum apostolum cepit, et in eo diligenter legebat. Et, sicut beata Thecla a beato apostolo iam revera discipulus factus,
35 *intra aulam suam solarium quoddam parvum sibi aedificavit,*^{p. 43.} in quo assidue manebat, ipse et paedagogus eius tantum; qui inter

¹ Ps. cxlii, 8. — ² Ps. cxviii, 9. — ³ Lam., iii, 27. — ⁴ II Tim., ii, 4.
— ⁵ Acta, ix, 15. — ⁶ Eph., vi, 16.

se pactum fecerunt, ne mater consilium eius sciret et facinus eius quod faciebat; et a carne edenda et a vino bibendo abstinuit, et nutrimenta quae ad eum veniebant paedagogus eius edebat; et a vespera ad vesperam profundam panem aridum tantum edebat, et postea alternis diebus *cibum* gustabat, cum nemo iam secretum percipisset quod inter eos fuit. Et, quando sedebat ille ut nutrimentis quae huic sancto vesperis hora adscendebant sese oblectaret, ut paedagogus coram nobis narrabat, stabat beatus et se inclinabat, unci instar curvatus manibusque post se connexis et capitis crinibus in solum demissis; itaque usque ad vesperam profundam perstabat, et deinde in solum proiectus paullulum dormiebat. Et psalmos etiam syriace didicit, et recitabant ambo; quia paedagogus eius etiam psalmos cum eo didicerat. Et, cum vidisset mater eius benedictionibus digna colorem vultus filii et adolescentiae eius decorem immutatum esse, a paedagogo eius postulabat: « Quid est signum quod in filio video, eum moestitia tantum affici? »; et dixit ei, ut eam verbo placaret: « Quia multum lectione vigilat ». Et hac re gaudebat, scilicet ut lectione profanorum exercitaretur: is autem ei quod proficit tantum studebat. Verum nocte * ita laborabat, et die beatos quosdam visitabat qui circa urbem reclusi erant, quorum unusquisque intra cor eius beneficium spiritale seminabat. Et die quodam dixit ei quidam ex eis: « Iohannes, recordare te mortalem esse: non vis esse ut ceteri adolescentes delicati et superbi et fastuosi, qui fastum suum ad stercus et vermem venturum esse non recordantur ». Dicit ei sanctus: « Et quid faciam, domine? »; 25 dicit ei: « Tondere et fias monachus; et a mundo effuge, dum mors tibi non supervenit. Quidquid in mundo est cupido est corporis et cupido oculorum et mundi superbia; et transit mundus ipse et cupido eius »¹. Haec paedagogus eius coram nobis narrabat. Et haec ab ore illius sancti accepit velut terra sitiens et turbata quae 30 aquam quaerit². Paulum enim apostolum beatum qui magis quam omnia Dominum suum amavit haec inter multa dicentem audiit: « Obsecro vos, fratres, ut corpora vestra sacrificium vivens et sanctum et Deo acceptabile constituatis, ministerio rationali, neve huic mundo similes fiat; sed renovatione mentium vestrarum mutamini »³; et rursus: « Nemo militiae inservit et mundi negotiis implicatur, ut ei qui eum elegerit placeat »⁴. Et porro ea quoque sedulo

¹ I Ion., II, 16, 17. — ² Ps. LXIII, 2. — ³ Rom., XII, 1, 2. — ⁴ II Tim., II, 4.

ausculta quae ad Timotheum in *epistula* missa sunt : « Ab omnibus
adolescentiae cupidinibus effuge »¹; et rursus : « Qui Christi sunt
carnem suam crucifixerunt cum omnibus morbis ac cupidinibus
eius »². Et eis quae * a lectionibus sanctis audiebat confortabatur, et ' p. 45.
5 gaudebat et exultabat; et magis antrorsum progrediebatur. Ex hoc
tempore proposuit sibi tonderi et monachus fieri. Quae cum cognovisset mater eius, et stupor eam occupasset ut mulierem viduam,
quae viro revera orba est et herede, *scilicet* filio suo qui ipse est
consolatio eius et lumen oculorum, omnibus modis exinde enite-
10 batur ut eum ab hoc consilio cohiberet. Et haec eius probandi
causa Dei dispensatione fiebant, beneficio aliorum multorum, qui
leviter a phantasmatibus somniorum superantur. Et is ad sanctos
in locis diversis commorantes fugiebat, et ab eis admonitiones et
religionis exempla audiebat. Erat autem tempore quo haec faciebat
15 viginti quinque annos natus : et sine mora ad monasterium sanc-
tum ipsius urbis fugit, quod vocatur domus Mar Zakhkhai; atque
ibi tonsus est. Et, cum hoc etiam audisset mater eius, id fecit
quod faciunt mulieres quae talibus filiis prohibentur, *flctu et*
lamentatione et planctibus usa; et post omnia per gratiam Dei quae
20 eam quoque visitavit, quia revera vidua fuit, et in spe Dei stabili-
ta, voluntas eius filii voluntati in omnibus rebus adsensit; et uno
animo servos suos et ancillas omnes liberaverunt, et id quod volue-
runt ex opibus suis pauperibus et sanctis et viduis dividerunt.

* Patris autem spiritalis qui ei fuit nomen fuit Iohannes; et de ' p. 46.
25 hoc sancto multi etiam qui eius familiaritate utebantur sciunt quot
pulcritudinibus spiritalibus ornatus sit et religione locuples fuerit
hic senex³, praesertim humilitate ac pudicitia; cunctus enim decor
sanctitudinis super faciem eius effusus erat : et, succincte dicam,
quando is in hac vita terrestri nobiscum fuit, mundo mortuus
30 fuit, Deo autem soli vivebat. Et, quia historiae huius viri humilis
non sufficio, ad *historiam* discipuli eius fugio. Qui⁴ simul atque
hunc sanctum receperat et tonserat, eum obsecravit⁵ ut in ipso
monasterio cellam quandam exigua ei daret, ut in ea horis
quieti idoneis quiete frueretur : et, quoniam cognoverat hic senex
35 admirabilis discipuli petitionem Deo gratam esse, dedit ei prout
petierat : et assidue in ea permanebat, virtutis servitio et lectioni

¹ *Ibid.*, 22. — ² *Gal.*, v, 24. — ³ Sic textus. — ⁴ Sc. Iohannes senior : confusa est clausula. — ⁵ Sc. Iohannes iunior.

librorum sanctorum et ministerio assiduo et ieiunio multo et fletui et lacrimis *deditus*. Et a pane et vino et oleo abstinuit; et haec tantum edebat, legumina cocta et olera identidem ieiunatoribus idonea, dum vigilas trium et quattuor dierum agit, et interdum etiam longiores. Et scutellam quandam parvam sibi attulit quae circa duo 5 pocula parva continebat; et hoc tantum nutriebatur, vel una uncia fructus arborum aridi, quando a *cibo* illo cocto abstinebat, et potu etiam aquae vel oxymellis mensurae exiguae: et, quia Christi passio

* p. 47. ante oculos eius semper posita erat, ne * iucunditas quidem gustus ipsius cibi ab eo gustabatur. Unde autem hoc a nobis creditur? Ex 10 eo quod interdum lucri nostri causa animum ei advertebamus quando gustabat, qui saepe eum scutella eius genibus imposita (haec enim plerumque mensa eius erat) cibum eius fletu humectantem videbamus: et haec faciebat quando solus manducabat. Et est quando cibum suum exiguum relinqueret ac surgeret; atque ita 15 celeriter a mensa surgebat ut, dum cibi *sumendi* initium facere quaerunt qui cum eo habitabant, tanto eos praevenisset. Et, cum peregrini quilibet sancti eum visitarent, eos omni largitate ac liberalitate mensa sua reficiebat; et cibus ac potus eorum *eandem* ei voluptatem praebebat ac si in ventrem suum poneret. Et ab omni 20 bus sanctis ac iustis, et pudicis atque innuptis, et ascetis atque eremitis, eo quod in eorum libris assidue legebat, nonnulla decoribus eorum et figuris et exemplis animae suae firmiter infigebat. Et porro, postquam episcopus factus est, laboribus prioribus plures addidit. A nocte autem media usque ad adventum diluculi 25 orationi ac fletui cum silentio et pudicitia et lacrimis vacabat, nullo

* p. 48. vocem fletus sui audiente: * et, quando officio *fungens* stabat, si quis cum intueri audebat ut per hoc etiam servitio eius adiuvaretur, pupillas eius videbat, dum afflictione multa ad caelum spectant, lacrimas abundanter pluere. Lectus autem eius erat terra et storea, 30 et vestis pellicea et cervical unum ad requiem capitis; et vestimentum eius crinium *erat*, et zona cingulum iumentis, et calceamentum sandalia, et tegumentum pallium. Et, nisi negotio spiritus utili impediretur, ab officio matutino donec tertia hora erat diei eidem orationi afflictionis plenae vacabat, et postea lectioni librorum sanctorum vel patrum spiritualium. Et, cum officium medii diei ministrasset ac perfecisset, eadem oratione usque ad horam nonam orabat; necnon et eadem lectione sancta assiduus erat, ita ut nulla hora ab eo frustra praeterierit. In omnibus autem rebus pudicus

fuit atque ordinatus; et gressus eius ac passus velut mensura ordinabantur : et facie eius externa ac statura ac vultus adspectu satiari non potuerunt spectatores. Nemo autem me vituperet quod pulcritudinis eius etiam corporalis una cum spiritali mentionem feci, quia
5 libros sanctos etiam invenimus iustorum quorundam et ceterorum pulcritudines corporales recitasse; sicut id quod de David a Spiritu sancto dictum est : « Is flavus est et oculi eius pulcri et pulcer adspectus et Dominus cum eo est »¹; et de Mose etiam propheta magno ita scriptum est : * « Et viderunt parentes pulcrum esse puerum »; et hoc ^{p. 49}
10 beatus apostolus in epistula sua ad Hebraeos recitavit². Aliorum etiam multorum faciem ac corporum pulcritudinem libri sancti commemorant. Sermo autem eius humilis fuit ac mitis; et quamquam pastor spiritalis erat, et sanctae ecclesiae rector, ab omnibus discere studebat, et de eis rebus quas rogare opus erat rogare³;
15 et, cum in libris sanctis legeret, cum afflictione multa et scientia legebat. Caro autem eius propter labores dimiserat et consumpta erat, donec cuncti ossium articuli apparebant; necnon et cingulum femoribus vix sustentabatur. Et, cum in montibus et desertis et speluncis commoraretur apud sanctos qui in eis habitabant, violentiam aestus torridi et acerbitem frigoris magna patientia fortiter
20 sustinebat. Murum autem magnum et robustum pupillis circumduxerat, ita ut, etiam cum mulieres pudicae ad pedes eius sederent quae sermonem eius utilitatibus plenum audiebant, nullius earum faciem intueretur, sed, vultu deorsum inclinato, terram et
25 mali illecebras fraudesque intuitus⁴, quae vitae earum proderant eis loqueretur. Et, si quando nomen sanctorum a quoquam audiret et excellentiam vitae eorum rationis, vehementer cupiebat anima eius eos videre et eorum vitae rationem aemulari et ab eis benedici; et eos qui ad senectutem extremam pervenerant haud modice honorabat et magnificabat et diligebat et venerabatur.

*Tempore autem quo episcopus factus est, persecutio grandis ^{p. 50.}
erat contra ecclesiam Christi ab eis qui post mortem beati Anastasii imperatoris regnaverunt; qui a sacerdotibus ubique constitutis flagitabant ut Chalcedonis synodum et definitionem eius acciperent,
35 et additionem quae in ea contra veritatem facta est. Hoc ipso tempore duro requievit episcopus Tellae urbis, et hic ipse sanctus a synodo episcoporum sanctorum eiusdem provinciae⁵ ad

¹ I Reg., xvi, 12. — ² Heb., xi, 23. — ³ Sic textus. — ⁴ Sic textus. —
⁵ ὁπαρχία, male pro ἐπαρχία.

episcopatum evocatus est, quia eiusdem viri virtutis et vitae rationis fama ad eos pervenerat. Et, cum vidisset eos se episcopum facere statuisset, obsecravit eos ut se relinquerent; et, cum vidisset eos sibi non obtemperare, in animo suo dixit: «Iam me fugere oportet; persuasum enim habeo eum qui multis princeps fit harum passio- 5 num malarum vel operationum earum aliquam evitare vix posse, nisi revera fortis sit, et praesertim vanam gloriam, cui facile est eius qui in ea implicatur animam peccatis et corpus morte aliqua voluntaria¹, quales ab inimicis *fiunt*, perdere, vel quod eis qui regimini suo subiacentur placere studet, ita ut secundum voluntatem 10 eorum quae eis placent Dei autem iram movent eiusque legibus sanctis contraria sunt semper faciat, quoniam eorum odium vitare studet, quia mala vanae gloriae plaga ictus est, vel quod blanditores adulatoresque apud eum assidue permanent, *qui ad eum sollerter accedunt, quasi pro eo starent, tristitia scilicet propter 15 eum affecti, eique dicunt: «Hanc molestiam ac laborem tolerare non «potes»; et haec ei dicunt ut ad ea quae gestiunt studentque in eo invenire eum deiciant ac deprimant, imprimis a regula eius et abstinencia: et postea se ecclesiae possessionibus male administratis parcere simulant, ut per hoc eum iracundum esse ac morosum 20 atque asperum faciant, et inmitem ac parcum, et avarum atque hominum exosorem, aut qui *aliis* sine discrimine inconsiderateque sese inmiscet, et remissum ac laxum, et qui voluptates corporales amat, et corpus suum magis quam animam, et propter negotia levia et inepta et communia horas utilitatum spiritus negligit, et 25 ob hoc in caverna profunda ubi non est locus standi demergatur, ita ut, quia hominibus placuit, si bellum haereticorum adversus ecclesiam insurgat, re primaria fidei suae inclinetur: et, quisquis ita facit, melius esset ei si non natus esset neque hunc mundum intrasset, qualia damna ac detrimenta sibi ipsi adquisivit. Et eum 30 praesertim qui princeps est in ecclesia Dei «sine macula et sine «culpa»² in omni re esse oportet, ut Dei oeconomum qui die quo Deus secreta hominum requireret³ gregis sui rationem daturus est, et secundum vestigia ipsius Dei ambulare et esse ut is fuit in mundo⁴, et beatum apostolum audire dicentem: «me imitamini 35

* p. 51. «sicut ego etiam Christum»⁵. *Et eos qui Dei ecclesiae principes ac

¹ Hoc non intelligo. — ² Col., 1, 22. — ³ Rom., II 16. — ⁴ I Iou., II, 6, IV, 17. — ⁵ I Cor., XI, 1.

pastores fiunt quasi ignis columnam esse oportet, ita ut in nulla vitae suae ratione ulla obscuritas vel umbra inveniatur, et non quasi gregis dominos, sed omnibus hominibus bonum esse exemplar, praesertim autem fidelibus, et animam suam pro eo morti man-
5 dare, et usque ad spiritum ultimum in tribulationibus pro eo acceptis perseverare, sicut Christus pro eo animam suam morti voluntariae tradidit, et ab omnibus cupidinibus bellum contra animam gerentibus¹ effugere², et pudicum³ esse ac ordinatum, et probum ac docendo aptum ac longanimum, neque iracundum esse,
10 nec vino immodicum, secundum mandatum beati apostoli⁴, et purum esse ac probum, et qui verbi Dei curam habet, et sanctum esse, et qui animam a cupidinibus continet, ne in ulla re ab Evangelii sancti mandatis alienus sit, et doctrinae beati apostoli ad Titum Timotheumque *inscriptae*, qui dono hoc magno revera digni
15 erant : quibus quisquis sibi confidit se aequare bene ad gradum hunc episcopatus promovetur; animae enim ei committuntur Dei sanguine emptae, non argento quod deteritur, non animalia muta, sed quae Dei passione ac morte salvata sunt. Quae est poena quam sumet Deus a pastore qui hunc gregem suscipiat, si voluptas aliqua
20 huius mundi eum captivum ducat, et una anima ex ovibus *gregis* p. 53. eius propter negligentiam pereat? Et, cum haec et his plura in mente collegisset eaque ante oculos animae lucide posuisset, et rerum caelestium magnitudinem contemplatus esset, et ignominiam magnam ac probrosam, et durum supplicium quod eis super-
25 venit qui delicias magis quam promissa futura amaverunt, surrexit statim hic sanctus, et senex quidam sanctus, syncellus eius, cui nomen fuit Damianus, qui habitationis eius participatione revera dignus erat, et a domo episcopi Edessae ambo galli cantu aufugerunt, dum a tribus episcopis observantia multa custoditur
30 donec adveniat dies dominica, qua secundum canonem ecclesiasticum fit is qui fit episcopus. Et, cum quaesitus esset hic vir eumque fugisse vidissent, qui verus electus erat, Dei servus idoneus, omnes sancti episcopi qui ibi congregati erant seque hoc gaudio fruturos sperabant in magnam tristitiam atque aerumnam inciderunt : et dixit unus ex his sanctis, qui est Iacobus doctor Balna-
35 rum episcopus : « Nolite perturbari, fratres. Ego exhibeo eum quaesiturus; et in Deo credo, si est ei beneplacitum ac voluntas ut fiat

¹ I Petr., II, 11. — ² Sing. in textu. — ³ Sic textus. — ⁴ Tit., I, 7.

episcopus vir quem sanctitudo vestra elegit, me eum reperturum». Et surrexit statim et oravit, et via qua exierat sanctus Iohannes et is qui cum eo erat recto cursu exiit, eumque circa mille passus ab urbe plus minus inter duas rupes delitentem repperit. * Iohannes autem ei cum gemitu supplicabat, dicens : « Obsecro te, domine, 5 miserere mei », cum multis aliis rebus quae excusationi suae idoneae erant. Et dixit ei sacer Iacobus episcopus : « Num hoc tempore quo sancta ecclesia persecutionem patitur, et viri bello contra inimicos eius *gesto* idonei requiruntur, ministri eius aversionem exhibebunt et fugient? si bonum est, quare ab eo fugis? et, si malum est, dic 10 nobis ut nos etiam sicut tu fugiamus ». Et sanctus omni humilitate cum lacrimis ei dixit : « Domine doctor, relinque me, ut tibi supplicavi; quia robustorum et tibi similibus hoc ministerium est ». Et, dum inter se colloquuntur, advenerunt multi eumque corripuerunt, et in ecclesiam introduxerunt. Et, cum omnes ei suppli- 15 cassent et multis rebus admonissent ac confortassent, eum episcopatus ordinationi obtulerunt; et postea eum sumpserunt et Tellam deduxerunt, quo gratia Dei vocatus erat, et in sede episcoporum illius urbis collocaverunt. Et, postquam episcopi sancti ad suum quisque locum redierunt, collectis omnibus ingenuis et cuncto 20 clero laudato ecclesiae, verba admonitionis et concordiae et unanimi- tatis cum eis locutus est sanctus : sicut navis enim violentia ventorum vehementium huc et illuc intra mare agitata tunc erant sanctae ecclesiae orientis; et quosdam dicentes audiebat, qui 25 rebus corporalibus vincti erant et * spiritualia spernebant ac contene- nebant : « Si et huc etiam veniet mandatum ut synodum Chalcedonis accipiamus, protinus huic suadebimus ut accipiat; quoniam hoc nihil est : nemo enim potest regis mandato resistere ». Is autem ab ipso initio propositum suum atque animae fortitudinem eis ostendit, et dixit : « Sit vobis una anima et unus mens; et ad 30 tribulationes pro Christo sustinendas prompti este ac parati », et : « Ne tribulationum vos taceat »; dum eis in memoriam revocat quas afflictiones et tribulationes et persecutiones et mortes diversas primo a paganis, postea ab haereticis multis ecclesia catholica pertulisset. Et, cum omnes Deum laudassent et 35 ei gratias egissent, quem pastorem sibi misisset, dixit eis etiam cunctam synodi Chalcedonis historiam. Quam cum vituperassent et definitionem eius et additionem, et Tomum Leonis Romae, et eos qui tantum detrimenti fecissent anathemate dignos

esse¹, postea dixit eis : « Adferte mihi diptycha », et ei attulerunt. Et, invento nomine Sophronii episcopi ipsius urbis, qui ex eis erat qui synodo Chalcedonis *aderant*, nomen huius et aliorum simul qui ei consentiebant deleri iussit. Et statim metue-
 5 runt qui malam opinionem tenebant, et ceteri qui voluptatibus corporalibus inserviebant; et dixit ei pro multis civis quidam ingenuus cui nomen fuit Paulus : « Haud tempus est, domine episcope. Rex est; et mandato eius iniit haec synodus ». Huius autem opinio haud pura erat. Quem indignanter intuitus dixit ei
 10 sanctus : « Nonne * haec omnia quae usque adhuc dicta sunt audiisti? » et mandavit ut eum a se removerent. Et dixit ei ita : « Deum vis contristare nos et hominibus placere; vos omnes sine partium studio iudicate : oportetne super sanctis altaribus eorum nomina proclamari qui verbis ac factis ea quae coram vobis narraui fecerunt?
 15 Deo obtemperare oportet potius quam hominibus »². Et statim absque mora deleta sunt, gratias ei agente universa ecclesia, cum multis aliis rebus quae sine metu faciebat pacis urbis causa ac verecundiae eius, et ne sordida esset, et ut modesta esset et *bene* ordinata; quoniam eo ipso tempore sordido saltatorum³ spectaculo
 20 paene insanierat et *furore* accensa erat, et paulum abfuit quin *ille* ad mortem perveniret, quia morbum malum illius insaniae ab eis expellere quaesivit : et Dei auxilio flammam quam Satanias in eis incenderat cito extinxit. Et, cum, ut ita dicam, eos vinum eorum excutere fecisset, et eum pro salute animarum suarum laborare ac
 25 contendere cognovissent, Deo gratias et laudes obtulerunt, quod eos per pastorem quem gratia eius eis dederat visitavisset. Quando enim haec omnia fiebant, persecutio ecclesiarum ad orientem Euphratis nondum transierat. Et, cum tempus plus minus duorum annorum in sede sua impleisset, huc etiam ad orientem missum
 30 est mandatum ut episcopi qui * ut synodus Chalcedonis in ecclesiis⁴ p. 57. suis proclamaretur non consentirent eicerentur. Et sine mora hic sanctus etiam a loco suo recessit, cum vidisset se aliter permanere non posse nisi ei quod iussum erat assensum praeberisset. Et elegit sibi secundum id quod de Mose scriptum est ut tribulationem cum
 35 populo Dei pateretur, neve peccato tempus exiguum delectaretur⁴ et ob principatus amorem anathematum quibus iniquus a sanctis patribus anathematizatur particeps esset, ut fecerunt nonnulli qui

¹ Sic textus. — ² Acta, v, 29. — ³ ὀρχηστῶν. — ⁴ Hebr., xi, 25.

cupiditates magis quam Dei amorem diligebant. Et nulla re corporali ex ipsa urbe absumpta recessit, et alius *partis* contrariae in locum eius venit. Itaque iam in plerisque urbibus factum est: inierunt alii pro aliis, mendaces pro veracibus, et raptores pro pacatis, haeretici pro fidelibus; et quasi animalia rapacia misericordia 5 carentia in Christi gregem inciderunt, et cunctis tribulationibus ac cunctis cruciatibus maiorem partem hominum opinioni suae violenter subegerunt: et ab omni ore et ex omni parte vox lamentationum audiebatur, et bona ac possessiones sine misericordia direpta, et animae vi et incuria ad contrariam *partem velut* captivi abductae: et 10 nonnulli in montibus et sepulcris et speluncis et cavernis terrae¹ ab

* p. 58. oppressoribus suis delituerunt: et haeretici vitam eorum qui *in constantia sua perstiterunt neque potestati eorum pervicaci ac tyrannicae obtemperaverunt exiliis² et carceribus tenebrosis et angustis vexaverunt: et infantes haud baptizati permanserunt tempus 15 plurium annorum, ob metum persecutorum, cum ceteris malis multis quae faciebant, quae scriptorum narrationes excedunt.

Et has inter turbas hic vir Dei, postquam ab urbe sua recessit, in deserto quodam vitam privatam solita afflictione et oratione agebat. Et, Dei inquisitione ante oculos posita talenti eius quod sibi 20 commisit a se rationem requisituri, surrexit et opus admirabile incepit, cum id quoque in mente revolveret quod sibi a Domino nostro per Simonem mandatum est: «Pasce mihi oves meas et agnos et pecudes»³; et quae a beato apostolo ad Timotheum *scripta sunt*: «Mala sustine cum Evangelio potentia Dei»⁴, et: «Mala sus- 25 tine ut bonus miles Iesu Christi»⁵; et rursus: «Cura te ipsum coram Deo perfecte constituere operarium pudore carentem, qui verbum veritatis recte proclamat»⁶; et rursus: «Fac opus praedicatoris»⁷. Et hic ipse sanctus Iohannes, his rebus confortatus et potentia Dei, animam suam et regum minas et rectorum commina- 30 tiones despexit, et revera opus praedicatoris fecit, ut supra dictum est. Et multi, cum animae potentiam ac zelum viri vidissent, ab omni parte ad eum concurrerunt, a pagis et ab urbibus, in deserto ubi conventus eius erat; et *ecclesiis monasteriisque sacerdotes 35 faciebat, omni perscrutatione et accuratione et diligentia, eo quod a sancto patriarcha Severo et a metropolitibus et episcopis qui

* p. 59.

¹ Hebr., xi, 38. — ² *Épistolas*. — ³ Iou., xxi, 15-17. — ⁴ II Tīm., i, 8. — ⁵ *Ibid.*, ii, 3. — ⁶ *Ibid.*, ii, 15. — ⁷ *Ibid.*, iv, 5.

in regiones longinquas fugerant litteras licentiamque acceperat; et hi sancti ipsis litteris sacerdotum in urbibus ac territoriis suis faciendorum licentiam ei dederunt; et multos a communione haereticorum liberavit. Et rex, cum haec omnia audisset, eum et sanctos
5 episcopos socios eius, qui numero octo erant, arcessivit; qui adscendere iussi sunt ut eos de fide interrogaret. Quos cum in suis *opinionibus*, hoc est in vera fide, firmiter perstare repperisset, et eius *fidei* se non submittere, quoniam sub promisso¹ adscenderant, cum minis iussit erga eos qui ei non consentirent nihil quod sa-
10 cerdotii est facere, et saepe dixit ei sanctus: «Deo obtemperare oportet potius quam hominibus»². Et porro magnam operam dederunt rex et regina per curatores suos ut eum donum aliquod a se accipere facerent, neque eis obtemperavit, dum dicit eis: «Quomodo ab eis donum eorum corporale accipiam, cum ipsi *donum*
15 verum ac spiritale a nobis accipere noluerint?»³, et, ut succincte dicam, neque a rege et regina neque a quoquam alio * tale quidquam ^{p. 60.} accepit, sed exigua quadam *pecunia* quam secum habebat quam ei mater eius adscendenti dederat exiliter vivebat, ipse et comites eius qui cum eo *erant*, quoniam voluntas eorum eius *voluntati* in
20 hac re consentiebat; neque a quoquam, quicumque *esset*, aeris quidquam vel argenti vel auri suscepit, nec per se nec per alium quemquam, nec clam nec palam. Et, ut multa omittam quae a rege erga eos facta sunt, cum eos suae parti adiungere studeret, postea eos dimisit, et ad regiones ac locos suos re-
25 dierunt in quibus habitabant. Ipse autem hic beatus Iohannes, postquam advenit, maiorem etiam operam dedit ut ecclesiam colligeret eamque ab haerese Diphysitarum liberaret. Porro fideles etiam qui in terra Persarum *erant*, qui erant numero pauci, de fortitudine et praeclaris gestis eius certiores facti, consilium in-
30 ierunt ut ad eum mitterent, et ad *beatum ac memoria* sanctitudinis dignum Thomam episcopum Darae, qui et ipse talibus decoribus divinis abundabat et rebus divinis ac mundanis sapiens atque instructus erat; et ab eis petierunt ut a regione sua aliquos mitterent³ et sibi episcopos facerent⁴, qui pro vera fide, quae * ibi propter er- ^{p. 61.}
35 rorem Nestorii miseri hominis cultoris quasi iam extincta erat, gnaviter contendere valerent. Quod revera factum est, antequam hi sancti ad urbem regiam adscenderent. Et, cum hoc Dei placitum

¹ λόγος. — ² Acta, v, 29. — ³ Sc. ipsi. — ⁴ Sc. Iohannes et Thomas.

esse cognovissent, alacriter adnuerunt; et a regione illa missi sunt qui idonei erant, et consilio consensuque horum duorum sanctorum ac sacrorum et sacri Mār Sergii Cyrri et Mār Marionis Surae¹ et Mār Nunae Circusii² et *episcopi* facti sunt ei qui missi erant et ad regionem suam cum gaudio redierunt. Et populi multi ad veram 5 fidem conversi sunt ac regiones multae; et horum ipsorum sanctorum qui in illa regione *episcopi* facti sunt pars martyrio Christi causa *suscepto* operatione haereticorum et paganorum mortui sunt, pars, dum pro veritate laborant, in regionibus longinquis vitas tradiderunt. Et rursus, postquam obdormierunt hi sancti quorum 10 nomina supra scripta sunt, et ei qui in illa regione *episcopi* facti sunt, ita ut nonnisi pauci ex eis superfuissent, quorum pars in carceribus pro ipsa veritate inclusi essent, tempore nonnullo *elapso* *episcoporum* pars qui in regione orientis reperti erant, qui orthodoxi erant, iterum ad hunc ipsum sanctum Iohannem venerunt in ali- 15 quo e montibus apud eremitas qui in eis habitabant commorantem, aliis secum adductis, qui ut *pro eis qui martyrio Christi causa *suscepto* obierant *episcopi* sibi fierent petebant. Et, cum universi idem consilium de hac re comprobassent, eos quos adduxerant ad gradum *episcopatus* promoverunt. Et haec omnia quae 20 narraui et in hanc historiam inserui, res gestas horum sanctorum qui a regionibus aliis ad hunc sanctum Iohannem bis advenerunt, et fecit quod ecclesiae aedificationis est, *ideo narraui* ut ostendam quae miracula per hunc virum in regionibus longinquis fecerit Deus; et fidelium coetus in eis multiplicati sunt, et error in audi- 25 toribus suis confractus est; et ecce! hodie multa millia hominum qui ex ore serpentis basilisci Nestorii miseri effugerunt Deum sincere ac fideliter laudant. Tempus enim mihi parum est ad dicendum quae certamina ei fuerint ob causam divisionis quae ab eis facta est qui opinione phantastica Iuliani qui *episcopus* Halicar- 30 nassi antea *fuit* deprehensi sunt, cum ad omnem locum assidue scriberet, et a libris sanctis et a doctrinis patrum spiritualium admoneret et erudiret et doceret, ut ab errore phantastico Iuliani et a doctrina eius aliena fugerent (et Dei auxilio multos ab errore huius miseri eripuit); et quales epistulas etiam de fidei negotio ad 35 omnem locum scripserit quo huius phantasiastae plaga pervaserat,

*p. 63. *et ad castrum Munder, ubi mensura mala huius negatoris passionum

¹ Cf. *Ser.*, *Ep.*, 1, 59, v, 15. — ² Sic. .

voluntariarum et naturalium et verarum et salutarium et culpa
carentium in carne susceptarum Domini et Dei nostri Iesu Christi
 incubuerat (ibi autem incubuerat et irreperat et corda deceptorum
 penetraverat haeresis Manichaea huius inimici Salvatoris nostri et
 5 patrum sanctorum accusatoris). Haec ac talia gesta Dei dispensatio
 per eum fecit. Illo autem ipso tempore nonnisi pauci homines, ut
 ita dicam, apud Diphysitas permanserunt, quoniam vera Dei ec-
 clesia aedificabatur, et recta religione magnificabatur et multipli-
 cabatur. Nonnulli enim a subiectione oppressorum velut a dura
 10 captivitate tunc fugiebant, quoniam hunc verum pastorem veritatis
 adiuvandae causa adversus tentationes multas tam firmiter persti-
 tisse videbant.

Quae autem verba et quas admonitiones eos doceret qui ut
 sacerdotes fierent ad eum veniebant opus esset describi ¹ eorum
 15 utilitatis causa qui ea cum amore audire gestiebant; sed, ne haec
narratio multas lineas impleat et fastidiat is cui facile sit fas-
*tidiare, dicam etiam si pauca e multis; ea quae *e doctrina beati* p. 64.
 apostoli coram eis copiose effundebat, quae sunt haec : «Este qui
 Domino vestro servitis : este spiritu ferventes ² : este oratione assi-
 20 dui : este qui tribulationes vestras toleratis ³ : este qui mala odis-
 tis et bonis rebus adhaeretis ⁴ ; neve carni vestrae studeatis cupi-
 dinum causa ⁵ ; cum Deo enim servitis ⁶ : neve in ulla re cuiquam
 causam offensae detis, ne sit macula in ministerio nostro ⁷ : ne
 quod verbum turpe ex ore vestro prodeat, sed quod pulcrum
 25 est et aedificationi aptum ⁸ : neve quidquam contentione vel
 vana gloria faciatis ⁹, sed fidelibus exemplum este, verbo et
 conversatione, et amore et fide et puritate ¹⁰. His rebus ostendite
 vos ipsos ministros esse Christi et sacerdotes veros, et quasi ante
 oculos vestros depictus esset Iesus Christus crucifixus ¹¹ : et secun-
 30 dum *mandatum beati apostoli* este abhinc et deinceps in hac ha-
 bitatione temporali, postquam novi homines et Iesu Christi milites ¹²
 facti estis; ne ebrietate neve cantu, neve cubatione foeda ¹³, neve
 aviditate ciborum animae et corpori et menti onerosorum : et doc-
 trinam quam didicistis et confessiones divinas quas coram nobis
 35 confessi estis firmiter retinete.» Et haec omnia et admirabilia

¹ Sic textus, contra grammaticam. — ² Rom., xii, 11. — ³ Ibid., xii, 12. —

⁴ Ibid., xii, 9. — ⁵ Ibid., xiii, 14. — ⁶ I Cor., iii, 9. — ⁷ II Cor., vi, 3. —

⁸ Eph., iv, 29. — ⁹ Philip., ii, 3. — ¹⁰ I Tim., iv, 12. — ¹¹ Gal., iii, 1. —

¹² II Tim., ii, 3. — ¹³ Rom., xiii, 13.

quaedam eis plura antequam eos ad ordinationem sacerdotii promoveret eis dicebat. Necnon et etiam quando oblationem solus offerebat (crebro autem hoc faciebat) miraretur aliquis ac stuperet quod
* p. 65. tempus multum quattuor horarum plus minus * (et est quando longius) oratione et suspiriis et precibus et afflictione et lacrimis multis 5 ante ipsum altare sanctum et ante ipsa mysteria spiritalia protraherat, donec fundamenta altaris, ut ita dicam, lacrimis eius humectabantur, per totum tempus secundum morem suum multo silentio curvatus atque inclinatus, et postea munus canonice perficiebat. Et, quando coram populo offerebat, id quod horae sanctae 10 idoneum est, ut decet, faciebat.

Et, cum ea quae sanctae ecclesiae aedificationis ac correctionis sunt per hunc virum fierent, vidit Ephraïm *patriarcha* Antiochia huius sancti *facta* admirabilia, et ad ea tollenda invidia excitatus est. Et, quia aliter non sperabat se eos qui a potentia 15 sua violenta, hoc est ab haeresi sua diphysitica, defecerant superaturum nisi comprehenderetur hic sanctus et in carcerem vel exilium¹ longinquum detruderetur et ad silentium redigeretur (et quis est qui tale bonum extinguere ac tollere potest ac valet, nisi ipse descendat et secundum voluntatem suam faciat²?), 20 a rege petiit eo quod cunctam astutiam suam et id quod descensu suo facturus erat eum docuit, et dedit ei auctoritatem quam petiit et exercitum Romanorum, et ad orientem descendit : et paucis diebus vi multa *adhibita* multos voluntati suae violenter submitit.
* p. 66. Et, * ut fontem utilitatum omnino obturaret, machinatus est et viros 25 quosdam repperit qui voluntati suae inservirent, et ad marzban Nisibis Persarum misit, quem dono haud modico promisso per eos obsecravit ut milites e suis sedulo mitteret et Romanos cum eis, et hic beatus Spiritus victoriis insignis a monte qui vocatur Singarae comprehenderetur : illuc enim recesserat hic sanctus propter 30 multa quae illo tempore duro utilia erant. Qui enim ad marzban illum paganum ab Ephraïm missi sunt adversus ipsum virum multa mendacia ei narraverunt, eumque aurum multum adquisivisse ei nuntiaverunt. Qua cupidine accensus ille paganus, nomen autem viri Mihrdaden, equites multos adversus eum 35 misit cum comite quodam e suis, qui et ipse paganus erat; et Per-

¹ *ἐξορία*. — ² Requiritur potius : « et hoc fieri non posse nisi ipse (Eph.) descenderet... faceret », quod e textu eruere non licet.

sae et Cadiseni et Romanorum aliquot ad montem pervenerunt, speculatoribus etiam secum adductis, Romanorum et Persarum qui locum sciebant. Necnon et is etiam qui ab Ephraim missus est ut hoc negotium perficeret, qui a Bēth Balās¹ castro erat, et in territorio Antiochenorum id quod «latronum strangulator»² ibi vocatur factus erat, cui nomen fuit Cometas, cui Dominus noster et in hoc mundo paullum e multo secundum facta eius retribuit, hic ipse principio, priusquam Nisibin descenderet, Hārrān descenderat; et interrogatione facta apud virum quendam intravit qui *sacerdos

5 p. 67.
paganus esse dicebatur (et quid ibi fecerit hic Cometas Deus scit), et eius qui sacerdos dicebatur filium habitu medici secum adduxit. Hic ipse occasione quadam nobis dixit : «Taurum in domo nostra occidimus priusquam ad vos veniremus.» Et, cum ad montem ubi sanctus ille habitabat pervenissent, ipse et hi omnes

10 qui missi sunt Romani ac Persae, interrogatione facta ad monachum quendam ierunt qui extra montem habitabat, qui opinionem phantasticorum Iuliani asseclarum sectabatur, eumque omnino contrariae esse partis reppererunt : et, secreto ei patefacto, donum etiam ei promiserunt; qui eos ad ipsum montem ubi sanctus habitabat media nocte adduxit, eisque cellam exiguum monstravit in qua Christi athleta habitabat, et recessit. Et ei ferarum instar contra eum descenderunt, districtis gladiis et arcubus Assyriorum modo intensis³. Erat autem ibi nix multa, et magnae glacie columnae in rupe sub qua hic probatus habitabat condensatae erant.

15 Et Dominus eos ad horam occaecavit, ne eum continuo invenirent. Si enim eum continuo post adventum invenissent et extraxissent, ipsa nocte dura prae multo frigore mortuus esset. Nonnullos autem comprehenderunt qui cum hoc sancto et prope eum habitabant, eosque sine misericordia coarctaverunt ut confiterentur quis eorum esset is quem quaerebant et ubi esset; quoniam unus eorum

20 *qui comprehensi sunt eis dolose nuntiavit se esse qui ab eis quaerebatur, et propositi causa etiam nomen mutavit, eisque dixit : «Nomen meum Iohannes», ut hoc dolo hunc sanctum e manibus oppressorum fortasse liberaret. Et, cum totam noctem in hoc certamine peragerent, quia eum cuius fama ob signa eius et vultum decorum sibi audita erat non invenerunt, ei qui comprehensi

25 p. 68.

¹ Cf. MICH. SYR., *Chron.* (ed. Chabot), p. 269. — ² Cf. SYR., *Ep.*, 1, 45; ION. MAL., p. 382. — ³ Is., xxi, 15 (?).

erant singuli abducebantur et a Romanis lignis bifurcis ac scissis lacerationis causa vapulabant, et nemo eorum confessus est ubi esset. Is autem a cella sua nusquam recesserat, quia subito in eum irruerant. Et diluculo facto eum invenerunt et extraxerunt : quem cum vidisset comes ille Persarum, cubito in terra fulto, cum beato 5 coram se constituto indignanter per interpretem colloqui incepit, dum ita dicit : « O digne morte mala ! quid hic facis ? et, nisi vir malus esses, in montibus desertis atque horrendis et inter leones et apros non habitares. Quare a dominis tuis deficis ? Totum hunc montem incendam, et qui in eo habitant trucidabo, et deinde 10 abibo. » Multa autem gloriose cum eo loquebatur Assyrius ille : et vir oppressus, dum coram eo stat, omni humilitate secundum morem suum loqui incepit : « Permittisne mihi ut loquar, an tacebo et facies quod vis ? » Et dixit ei : « Loquere fortiter quod loqui habes. »

* p. 69. Et dixit ei : « Tempera tibi * et scrutare et vide nihil eorum quae 15 contra me dixisti vera¹ esse. Discet magnitudo tua, si ei etiam qui te adduxerunt recte dicere volent me non esse ut dixisti, neque hos sanctos qui multos iam annos in hoc monte habitant. » Et statim adpropinquavit Cometas miser et comitem illum in capite osculavit eique dixit : « Per vitam tuam, domine, iube eum sedere : 20 haec enim apud eum non sunt »². Et statim gladio districto surrexit comes ille ut eum feriret et dixit ei indignanter : « Et quomodo nobis mentiti multa contra ipsum virum coram marzban dixistis ? » Et statim eis qui secum erant mandavit, et tota cella in qua beatus habitabat perquisita est, et nihil eius quod sperabant invenerunt. 25 Et statim celeriter surrexerunt, eumque adsumptum et a monte illo deductum iumento cuidam quod secum erat imposuerunt. Erat autem nova luna³ mensis šēbāt. Et a tertia hora diei usque ad mediam noctem per solitudinem inviam inter nivem ac glaciem equitare continuabant, cum nihil a sancto gustaretur. Et, cum 30 viam Nisibin ducentem non invenissent, quia noctis tenebrae et obscuritas eos occaecaverat (Nisibin enim ut ad diversorium eos virum introducere iusserat marzban donec id quod sibi promissum erat acciperet, et ob hanc causam viam illam in deserto innire cogebantur et non invenerunt), tunc in vertice cacuminis 35 cuiusdam ab equis descenderunt, et virum adflictum in medio posi-

¹ Sic textus. — * Vel « ad eum non pertinent ». Sensum non intelligo. — ³ *peo-pnola*.

- tum omnes sicut annulus sedentes circumdederunt, equis ad colla dominorum ligatis. Illa enim nox fuit nox acerba tribulationis *et p. 70.
doloris et frigoris; et Persae eos execrabantur a quibus decepti erant, et praesertim quia id quod nuntiaverant non invenerunt.
- 5 Et, cum mane surrexissent et glaciem in labris ac barba eius condensatam viderent, et nihil ab eo gustatum esse ex quo eum comprehendissent, et paucam animam, ut ita dicam, ei inesse, et didicissent magi a viro quodam qui cum eo vinctus erat qui linguam eorum aliquantulum sciebat ob quam causam comprehensus
- 10 esset, virum metuerunt ne eis malediceret, et multum in oculis eorum honoratus est. Et, cum die posteriore ad terram cultam pervenissent, ad pagum quendam deflexerunt pernoctaturi, eumque in domo quadam munita incluserunt ut custodiretur. Et erat in ea mulier quae intra duos dies pepererat antequam illuc pervenerunt;
- 15 quae, quamvis in illa vitae suae angustia constituta, contra ludibrium ac contemptum viri pudici conquerebatur (mulier enim fidelis fuit) : « Virum qui ne matris quidem suae faciem libere intueri audebat cum muliere puerpera commorari fecerunt, caute custoditum. » Et, cum eum Nisibin introduxissent, mandavit marz-
- 20 ban eumque in xenodochio incluserunt, eique decem viros magos tradiderunt qui custodirent : et in ipsa domo inclusionis eius omnes cum eo intus dormiebant; et, quando ad mingendum exibit, pars cum eo exibant eumque caute custodiebant. Officium autem solitum non omittebat, nec si id ludibrio haberent hi pagani vel
- 25 riderent. Post dies autem paucos vidit marzban cunctatum esse eum qui abierat ut Ephraim diceret ac nuntiaret comprehensum esse Iohannem et iam Nisibi inclusum; et secreto *cum diligentia p. 71.
rogavit : « Quid deliquit hic vir qui a Romanis accusatus est, quem nuntio misso comprehendimus et ut maleficum inclusimus? » Et,
- 30 cum didicisset mendacia esse quae contra eum dicta erant, statim mandavit et congregati sunt apud eum cuncti urbis magnates et cuncti duces qui in urbe erant, et nuntio misso eum a loco ubi inclusus erat removit et coram se introduxit. Quo intrante et cunctis qui congregati erant coram ipso viro in terra sedentibus,
- 35 vultum eius et venustatem et staturam et moderationem et pudicitiam et faciem amabilem vidit, et, manu ad magnates suos extensa, eis per eam annuit : mos enim est Persis, et praesertim magis, exercitatione *adquisitus*, ut, si silentio ac sine verbis alter alteri indicare volunt id quod cogitant, facile per nutum digitorum indi-

cent. Hic igitur nutu digitorum significavit : « Hic vir ingenuus est, et non servus est, et pudicus est, et non maleficus. » Et locutus est magnatum quidam qui sedebant, qui Christianus erat, et dixit : « Precor, domine; si hic coram Caesare intrabit, statim coram eo surget, propter legem Christianorum : ut enim didici, episcopus 5 est. » Quod cum audiisset marzban, statim mandavit et coram eo in terra consedit; et cum eo per interpretem collocutus est, qui dixit ei graece : « Quomodo ausus es, *cum talis sis*, in nostram regionem absque licentia nostra transire? Nonne scis aliam esse
 * p. 72. hanc rempublicam¹? »; locutus est beatus et dixit ei * graece per 10 interpretem : « Haud prima vice in hanc terram transii. Iam tertia vice transeo, ut apud hos sanctos orem, qui multos iam annos in monte habitant a quo me ut maleficum comprehendistis. Etenim quis sum ego ut magnitudo vestra de me sciat et tunc transirem? Pauper enim sum, ut me videtis. Hodie, dum tanta pax est inter 15 haec duo regna, rempublicam¹ et rempublicam¹ non novi. Duo enim reges amore fratres sunt : et, si hic sum, inter Romanos puto me esse; et, si inter Romanos sum, hic sum propter ipsam pacem. » Marzban dicit : « Quomodo dicis te pauperem esse, cum multum aurum tibi collectum sit ab eis qui ad te veniebant? » 20 Confessor dicit : « En! subito me comprehenderunt ei quos misistis; dicant quid mecum invenerint quando me comprehenderunt ac scrutati sunt. Et rursus obsecro ut, si fieri potest, dum hic inclusus sum, mittat magnitudo vestra homines fide dignos, qui totam regionem nostram circumeant et, interrogatis et inimicis meis qui 25 me accusaverunt et amicis, ostendant me ab *ullo* homine quidquam cepisse : et, si quid eorum de quibus accusor apud me inveniatur, in media hac urbe crucifigar. Quod a parentibus habebam dedi, et a *rebus* aliorum recipiebam. » Marzban dicit : « Quare a Caesare deficis et ab eis qui * in terra eius potestatem exercent? Nonne 30 scis male agere qui a dominis suis deficiunt? Et, si vis, te Romanis reconciliabo et eorum voluntatem facies, et in quiete ac pace vives. » Beatus dicit : « Ego a rege nostro victorioso ac pacifico ac benigno non deficio. Equidem, sicut conservi mei, ut etiam debemus, ei ut in mundo subiectus sum; et pro eo oro ut secundum Dei volun- 35 tatem regnum suum administret. » Et, cum audiisset eum regem tantum laudare, clamavit et dixit quemadmodum laudare solent :

¹ πολιτεία.

- «Fortuna regis regum sit tecum, qui Deo par est.» Et dixit magnatibus suis : «Miramini vel quantum eum coram nobis calumniati sint qui eum accusaverunt, vel quantum hic eos laudet seque eos amare ostendat.» Et dixit beatus : «Discat magni-
- 5 tudo vestra eos ob nihil aliud me persequi nisi quod fidem meam non relinquo in qua baptizatus sum et ei qui me oderunt, nec me alii subicio, quam ipsi etiam antea sicut ego repudiabant.» Marzban dicit : «Ego magus sum, et sunt mihi duo filii. Si mihi dixisset dominus noster rex regum : «Nisi id quod tenes commutabis
- 10 et aliquid aliud accipies, duos filios tuos coram te mactabo; hoc in me susciperem ut a sanguine amborum mihi in os inicerent, neve id quod teneo commutarem. Mendacia enim esse didici quae contra te dicta sunt.» Et post multa alia quae sanctum interrogavit, eique ut oportebat respondit¹, eum *ad locum ubi inclusus erat misit; * p. 74.
- 15 putabat enim donum sibi ab eo datum iri. Et venit aliquis ab eius hominibus et dixit ei : «Si quid habes quod des, quoniam scimus te iniuste comprehensum esse, relaxabimus te et effugies.» Dicit ei beatus : «Revera, dico, si venisset rex noster Romanorum, et me comprehendisset et mihi imperasset ut fugerem, non fugissem;
- 20 nec quidquam possideo, et Dei auxilio neminem timeo.» Et, cum ibi Nisibi triginta dies implevisset, misit Ephraim id quod Persis pactus erat; qui simul atque acceperant mandaverunt et Romanis traditus est; et eum adsumptum Daram introduxerunt cum exercitu multo qui eum in limite receperat; et ibi quinque dies inclusus est.
- 25 Et valde eius causa laborabat Mamma episcopus Darae et omnes qui hominibus et non Deo placent ut eis obtemperaret eisque consentiret. Et post demonstrationes multas quas eis monstravit dixit eis : «Male homines ei quod non verum est invitos obtemperare violenter cogitis, ut Deus vos derelinquat, quoniam hominibus et
- 30 non Deo, Ephraim et non veritati, placere quaeritis.» Et, quia Ephraim Rhesainam adventurus erat, atque ibi, ut putabat, sanctum Iohannem retibus suis sicut multos ligaturus, eum arcessivit, dum in itinere est, et eum illuc cum Romanis multis adduxerunt. Et, cum intravisset, * episcopi qui ibi aderant et principis sui adven-
- 35 tum opperiebantur adversus eum congregati sunt, et dicunt ei : «Quare haec omnia facis? Quare ecclesiam tantum perturbavisti? Quare non vitam privatam agis ut socii tui? Qui canon permittit ut facias id quod

¹ Sc. Iohannes.

faciebas?» Dicit eis : «Tumultu¹ exstante, ecclesia canonum accurat-
tionem² non observat; ut novistis et discere potestis, quam accuratio-
nem observaverit dignus memoria sanctitudinis et sanctus martyr
Eusebius Samosatæ episcopus eis quæ Ariomanitis ecclesias obtinen-
tibus faciebat, vel Athanasius magnus, vel alii eis similes?» Dicunt 5
ei : «Tace ab eis quæ tibi haud prosunt. Etiam nunc modo domino
patriarchæ obtempera, et omnia irrita faciet ac remittet; et cum
honore et gloria ad sedem tuam ibis.» Dicit eis : «Quem me esse³
audiebatis? et ipsi exiretis et discederetis et propter peccata vestra
lacrimaretis. Pro me nolite lamentari. Nemo vomeri aratri ma- 10
num inicit et retrorsum spectat, et Dei regno idoneus est⁴, secun-
dum Salvatoris nostri doctrinam. Et ipse porro nobis dixit : Recor-
damini uxorem Lōt⁵. Et porro in Ezechiele propheta scriptum
est : Quando populi terræ tempore festivitatis coram Deo intra- 15
bunt, quicumque porta septentrionali adoraturus intrat, porta me-
ridiana exeat; et, quicumque * porta meridiana intrat, porta septen-
trionali exeat; neve porta qua intrat exeat, sed contraria exeat»⁶.
Et, cum significationem⁷ huiusce rei dicere vellet secundum
argumentum quod dicere proposuerat, quod etiam invitis eis 20
dixit : «Non oportet eos qui Christi discipuli facti sunt et mandata
eius vivifica in anima receperunt retrorsum verti et quæ in terra
sunt et non in caelo cogitare, et cum temporibus commutari et
omni vento se inclinare, et omni ligno inniti, et omni via ambulare,
et ab omni aqua bibere, ut sapientia eos qui in his rebus conver-
santur contumelia afficit, sed debent fortes in constantia sua ac 25
vitæ ratione perseverare, in gradu quemque suo, quicumque ex
ordinibus Christianorum est», dicit ei quidam ex eis, hoc est Asylus,
episcopus Rhesainæ⁸ : «Quod supra dixisti in libro Ezechielis non
est.» Et dixit ei beatus : «Revera et vobis dicere oportet : Hac de
causa erratis quod scripturas non novistis, nec Dei potentiam»⁹. 30
Et dixit eis : «Neque etiam si his plura mihi dicetis, sive blandi-
mentis sive minis usi, sicut polypus fiam, de quo scriptum est,
quando laedere vult ut sibi cibum inveniat, quaecumque rem
langat, hanc ei naturam esse ut secundum colorem eius commute-
tur.» Et irati sunt omnes et surrexerunt et recesserunt. Et postero 35
p. 77. die, * in secretario hiemali ecclesiae congregati, nuntio misso eum

¹ ἀνατασθασία. — ² ἀκριβεία. — ³ Vel «Quid a me». — ⁴ Luc., ix, 32. —
⁵ Luc., xvii, 32. — ⁶ Ez., xlvii, 9. — ⁷ θεωρία. — ⁸ Cf. Zach. Ru., ix, 19.
— ⁹ Matth., xii, 29.

vocaverunt; et eadem ei loquebantur, dum eum deceptorem vocant ecclesiaeque perturbatorem. Et dixit eis : « Quis ecclesiam Dei perturbat, ego aut qui magnos exercitus Gothorum ducunt et populum Dei se submittere omnibus cruciatibus violenter cogunt? Et qui
5 veritati adhaesit mundi opes publici iuris¹ facit ut diebus paganorum. Quando vidistis vel audivistis homines cum gladiis ac fustibus ecclesiam intrare? Quem decepi, ut dixistis, qui a montibus et desertis nonnisi raro intrem? Vobis aurum; vobis libertas; vestra est, ut ita dicam, terra universa : et principatus datis, et promissa facitis. Et, quamquam ita est, homines a vobis ut ab hostibus
10 fugiunt : et dicitis me mundum decepisse, cum nihil eorum quae vobis sunt apud me exstet; vobis enim obtemperare oporteret qui haec omnia habeatis, et non mihi pauperi. Et, si quis ad me venit et me de veritate interrogat, me mentiri vultis? Eo quod veritatem dico decipio?» Et post haec Christophorus Amidae chorepiscopus post tempus nonnullum ei dixit : « Tunica tua crinium, vestibus nigris, barba longa *mundum decipis.» Dicit ei beatus : « Hic
15 sermo puerorum non instructorum est. Quicumque igitur crinibus vestitus est vel qui ut sancti antiqui vestitus est qui hoc exemplum humilitatis nobis ostenderunt, et ceteri de quibus testificati sunt libri sancti eos hoc ipso vestitu humili Deo placuisse deceptores sunt secundum dictum tuum; tu etiam tunica crinium vestitus es, nec quisquam te tunc deceptorem vocaret.» Ita sermonem suum cum eo incipiebant, atque ita finiebant. Homines autem numero
20 haud pauci in hac urbe Rhesaina congregati erant, a pagis et ab aliis urbibus : et quorundam opera multi etiam armati erant ut accusatores iniusti essent; quos omnes Dominus ad silentium reduxit. Testificabantur enim cum multis aliis rebus argentum multum ordinationibus² collectum esse : et in hac re etiam mendacium
30 eorum confutatum est, et vicit veritas. Hoc autem cum diligentia inquisitum est, neque eum quidquam ab ullo homine recepissee repertum est, nec sibi neque eis qui secum erant, ne unam quidem minam. Et, cum Ephraïm patriarcha cum magno exercitu se comitante advenisset, magna eum pompa acceperunt, bigis et
35 carrucis et mulis sub iugo vinctis. Qui die postquam intravit hora matutina nuntio misso sanctum a loco ubi inclusus erat adduxit,

¹ τιτλάσαι; cf. ION. MAL., p. 245, l. 11 (SOPHOCLES, *Greek Lexicon*, s. v.). —

² χειροτονίας.

Romanis multis eum praecedentibus ac sequentibus, qui fustes portabant. Spatium vero non erat, ut *ita* dicam, in quo aliquis
 * p. 79. gressum pedis terrae imponeret et ambularet, propter homines *qui
 ad hoc spectaculum congregati erant. Et Romani qui eum ducebant
 magna multitudine¹ divisa eum per eos transire facere vix pote- 5
 rant, dicentibus omnibus qui fideles erant : « Cui a pueritia ad sen-
 ectutem serviisti, is tecum erit. » Et coram Ephraïm intravit, ubi
 in secretario ecclesiae paratus sedebat, et episcopi hinc et illinc
 sedebant, et populus multus ex eorum *asseclis* ante eos stabant.
 Dictum est enim ab eis Ephraïm : « Noli cum eo coram populo lo- 10
 qui : quia, priusquam sanctitudo tua huc adveniret, multa cum
 eo locuti sumus ut obtemperaret, et is nobis talia respondit : et
 paulum afuit quia strepitus magnus ex hac re fieret. » Et surrexit
 statim Ephraïm, eumque sumpsit et baptisterium intravit, et suo- 15
 rum nonnullos, et alios e nobilibus saecularibus, et Rufinum scho-
 lasticum suum. Quidam autem inter stantes clamabant dicebant-
 que : « Hunc comburi oportet. Hunc lapidari oportet. » Et cuncto
 populo extrinsecus expectante ut videret qui exitus negotio futurus
 esset, Iohanni episcopo Ephraïm ita dicere incepit : « Talem hono- 20
 rem tibi tribuo ut sedens cum te stante colloqui nolim, sed amore
 ac pace alter cum altero confabulemur. Et primo Deum imploro
 ut, si veritatem tibi dicam, cor tuum aperiat ut verba mea exau-
 dias. Si autem errorem putabis, nec si obtemperare voles, tibi per-
 * p. 80. mittemus. » * Iohannes vero ad hoc etiam dixit : « Ego apud vos nihil
 dicam; nec, si dicam, proficiam; sicut non profecerunt multi me 25
 meliores qui vobiscum saepe collocuti sunt. Num potest vir pauper
 sicut ego cum patriarcha in hoc tumultu² disceptare? quia patri-
 archa et metropolitae, non dicam universa synodus, de hac quae-
 sitione congregari debebat, ut corrigeretur id de quo contentio est,
 ut sanctae ecclesiae mos est. » Dicit Ephraïm : « Fidem³ unicuique 30
 dicere licet; nec quisquam gradum⁴ neque aliud quidquam spec-
 tat, sed unicuique licet de fide id quod vult dicere. Non enim
 sapientes nec sophistae fidem³ nostram invenerunt, sed sutores
 tantum et piscatores et alii viri. Dic autem nobis qua re nos ali-
 quid alienum dicere putes. Neminem enim oportet, si male credit, 35
 in fide³ sua perseverare, et Iudaeis Samaritanisque adsimilari,
 quos male credere nemo non novit, qui ante alios Iudaeos erubes-

¹ ὄχλος. — ² ἀναταλασσία. — ³ πίστις. — ⁴ ἀξία.

cunt, quibus placuit male credentibus mori. Oportet enim nos a malis ad bona converti.» Iohannes dixit : « Bene dixistis; bona sunt verba; nec vobiscum nunc dicam, quia desunt mediatores fide digni qui rem perscrutentur, et innocentem absolvant et noxium
5 condemnent. Deest nunc mediator qui sine partium studio iudicet.» Ephraïm dicit : « Quoniam hoc tibi placuit, ego tacebo. Adsunt laici; cum eis loquere quidquid vis.» Et statim adpropinquavit Rufinus scholasticus, seque sub barba beati omni *saevitate contraxit, oculis
defixis atque ore inter loquendum contorto (ita enim loqui solebat);
10 et voce alta atque aspera ita ei dixit : « Ecclesia fidelis dicit : Unus e Trinitate, Dei Verbum, corpus adsumpsit et homo factus est; et sanctam Dominam Mariam Dei genetricem confitetur ac proclamat. . . .¹ miracula et passiones eius. Dic coram universa urbe in qua *re* sanctam ecclesiam inculpes.» Iohannes dixit : « Noli me clamore tuo
15 perturbare, vel expectare te me territurum. Horam sermoni faciamus. Ego autem et nunc et omnes dies vitae meae unam naturam atque hypostasim Dei Verbi qui corpus adsumpsit proclamabo, sicut sancti patres, et sicut beatus Cyrillus, qui contra eos qui post unionem duas naturas dicunt magnum certamen fecit.» Rufinus
20 dicit : « Num Dei Verbum qui corpus adsumpsit una est natura? num Dei Verbi et corporis unam dicis naturam?» Iohannes dicit : « Non ita.» Rufinus dicit : « Ergo alia est natura Verbi, et alia natura corporis.» Iohannes dicit : « Probe incepisti, et perverse finiisti. Ego autem nihil novum dico ut dixisti. Neque enim multis neque
25 paucis *verbis* vobis respondere quaesivi : aerem enim verberat² qui vobiscum loquitur. Ego, ut supra dixi, sicut a sanctis patribus dicitur, unam naturam atque hypostasim Dei Verbi *qui corpus ad-
sumpsit sine confusione, sine mutatione dico; et duas post unionem non dico. Christum e duabus naturis unum agnosco. Qui autem
30 duas post unionem dicunt patribus contrarii sunt.» Rufinus dicit : « Hae duae naturae utrum subsistunt an confusae sunt? Nonne exstant?» Iohannes dicit : « Noli quae in os tuum veniunt rogare. Audi beatum Cyrillum qui in sermone suo « Unus est Christus » ita dixit : « Et quis est qui ita insanus est indoctusque ut vel naturam
35 « Verbi in id quod non est mutatam esse, vel carnem transformationis « modo in ipsius Verbi naturam se convertisse putet? Fieri enim « nequit. Unum igitur Filium esse dicimus et unam eius naturam,

¹ Aliquid excidisse videtur. — ² I Cor., ix, 26.

- «etiamsi in adsumptione carnis anima intellectuali praeditae fuisse
«agnoscitur»¹. Aperi porro aures tuas, et quae ab epistula eius
ad Acacium *inscripta desumpta sunt* exaudi, quae sunt haec : «Hac
«de causa igitur, cum ea e quibus unus ac solus Filius et Dominus
«Iesus Christus consistit velut ratione accipimus, duas quidem na- 5
«turas unitas esse dicimus : post unionem autem, eo quod iam abo-
«lita est sectio in duas, naturam Filii unam esse credimus ut unius,
«incarnati tamen et hominis facti»². Rufinus dicit : «Utrum id quod
ratione tua vidisti exstat, annon? An altera ex eis alteram absorpsit?»
* p. 83. Iohannes dicit : «Dictum est * rursus a beato Cyrillo : «Quando igitur 10
«modus incarnationis inquiritur, duos³ qui alter cum altero ineffa-
«biliter et inexplicabiliter uniti sunt mens humana semper con-
spicit»⁴. Et statim Rufinus Iohannis sermonem interrupt, neque
ut totam hanc citationem⁵ compleret ei permisit; et dixit clamans :
«Ecce! duos dixisti mentem humanam conspicerem.» Et manibus 15
ambabus ad caelum extensis clamavit, et ante ora Iohannis inter
eum et Ephraïm stat, et dicit : «Vicit Christus. Vicit ecclesia. Unus
est Deus. A populo pudore afficitur ut recte confiteatur.» Et omnes
cum clamore strepuerunt, nec Iohannem amplius loqui siverunt :
noverant enim quid dicturus esset. Et statim Ephraïm ad populum 20
egressus Rufinum cum eo reliquit, et alios disceptantes : et egressus
populo dixit : «Ecce! vidistis quo honore eum receperim, et intus
rogavi eum quomodo crederet, et, ut confitemur, et ipse confessus
est; et ipse quoque de Christo duas naturas dixit. Pudore afficitur
ut nobis communicet.» Et statim omnes qui «manipulis hordei et 25
frustis panis», ut scriptum est, conducti sunt⁶, quorum spes hoc
tantum est, id quod oculi eorum carnis vident, «quorum Deus stom-
machus eorum et gloria ignominia eorum»⁷, qui, ut scriptum est,
«Domino nostro Iesu Christo non inserviunt sed stomacho suo»⁸,
* p. 84. quorum tota «mens in terra est»⁹, qui¹⁰, cum * iudicium iniustum 30
quod factum est non vidissent, quod iudicium perverse exiisset, lau-
data violentia iniusta omnes una voce ita clamaverunt : «Multos
annos doctori vero Mār Ephraïm! Multos annos praeconi veritatis!
Qui tibi non consentit haereticus est» : cum multis aliis *vocibus* ina-

¹ P. Gr. (Migne), LXXV, col. 289. — ² P. Gr., LXXVII, col. 192, 193. —

³ Requiritur potius «duas naturas» : B «duas res», quod melius est; sed cf. p. 91
textus, l. 22. — ⁴ P. Gr., LXXVII, col. 232. — ⁵ *Χρησις*. — ⁶ Ez., XIII, 19.
— ⁷ Philip., III, 19. — ⁸ Rom., XVI, 18. — ⁹ Philip., III, 19. — ¹⁰ Sic textus,
contra grammaticam.

nibus quas clamabant. Et fuit actio¹, in qua Iohannem duas naturas Christo adscripsisse calumniose affirmaverunt. Et, die iam ad occasum inclinato, cum beato, qui inter omne illud frigus multum in baptisterio inclusus erat, Rufinus et socii eius disceptabant, dum
5 alius alii contra eum succedunt, quoniam, ut *ita* dicam, pauca anima ei inerat; ieiunium enim fuit, et ob ieiunii laborem et ob frigus multum vox eius aegre exhibat. Et postea ad *locum* ubi commorabatur adductum in domo interiore incluserunt; et intrinsecus cum eo et extra repagulam custodes constituerunt. Et die postero
10 venit Rufinus tentator, et cum eo disceptare incepit, genibus iuxta beati genua positus; et clamore *usus* loquebatur, ore et capite secundum syllabas² quas enuntiabat velut insani contortis; et eum Manichaeum vocabat. Et dixit ei beatus : « Ipse omnia loqueris, nec me loqui sinis : ita mihi etiam heri coram patriarcha tuo fecisti,
15 quando sententiam meam cuius fine haud modice puncti essetis interrupisti. Hoc scholasticorum nota³ non est : haud pulchra est consuetudo⁴ sapientiae tuae. Sic mundum convertitis; sic et Mundir Arabs *violenter convertebatur.» Et Rufinus dixit : « Capite carens⁵, » p. 85.
quis est caput tuum ? Post quem vadis ? » Iohannes dixit : « Proprium nostrum caput Christus est; et, post Christum, patriarcha Mār Severus, et patriarcha Mār Theodosius, et patriarcha Mār Anthimus, cum omnibus ceteris episcopis orthodoxis qui veritatis causa persecutionem patiuntur.» Et statim exsiluit Rufinus iracundus et surrexit, et in ipsum sanctum Iohannem et in eos quorum nomina commemoraverat contumeliam effudit clamore magno, eorum instar qui a spiritibus malis obsidentur, qui id quod loquuntur nesciunt, nec se
20 martyribus irridere percipiunt, nec si eos laudent; et cum omni hac ira demoniaca ab eo exiit. Itaque etiam ceteri eiusdem coetus faciebant, qui ad beatum veniebant : praesertim Basiliscus, ipsius
30 Ephraïm notarius, ei aperte irridebat. Et, cum vidissent se his *modis* atrocibus id quod sperabant non effecisse, hac arte mutata aliaque quae est blanditiarum suscepta, nuntio misso eum ad *locum* ubi Ephraïm et qui cum eo *erant* tempore vespertino congregati erant perduxerunt, et multa cum eo leniter per multum tempus collocuti sunt, ut eis obtemperaret, et ut *locum* suum intraret.
35 Et, cum vidissent eum neque hoc *modo* sibi obtemperare, perturbati sunt magis quam prius perturbati erant; et Bar Kili

¹ *παράξις*. — ² *τόνος*. — ³ *γνώμα*. — ⁴ *έθος*. — ⁵ Hoc est *ἀκέφαλος*.

Amidae eum adsumpsit et domum quandam introduxit, et easdem blanditias ei iterum adhibebat. Et, cum vidisset eum fraudibus eorum non obtemperare, exclamabat et sancto dicebat : « Da pro-
 * p. 86. missum¹ te non fuga usurum, * ut actionem² faciamus. Iura mihi te non fuga usurum. Mendax es, nec quisquam tibi credit. » Iohannes 5 dixit : « Sapiens iudex est : simul iuramenta et actio²; si iuramentis credis, quare facis actionem²? Polliceor me non fuga usurum. Nec si rex mihi imperasset ut fugerem, fuga uterer. Quidquid valetis facite. »

Et, post haec omnia atque his plura quae ei fecerunt, Antio- 10 chiam eum miserunt, cum Romanis multis qui eum ducturi constituti erant. Et iter eius ex quo Nisibi eum amoverunt donec eum Antiochiam introduxerunt dies triginta implevit, dum ex urbe in urbem caute portatur, et porro ut hunc mundo ostenderent Iohannem esse qui plures iam annos haec eis faceret, ut manus 15 eorum relaxarentur qui in eo post Deum confidebant correctum iri quae descensu Ephraïm in orientem *facto* corrupta ac perplexa erant. Cum autem hic sanctus Hārārā pervenisset, dum Antiochiam adscendit, Cometas qui eum ducebat in ipsa *urbe* Hārārā in cubiculo eum inclusit, in domicilio viri cuiusdam qui paganus esse di- 20 cebatur, caute custoditum. Hic autem Cometas fidelibus quibusdam quos ab *urbe* Hārārā comprehenderat multa mala infixit, et in omnibus pagis atque in omnibus urbibus quas intrabant etiam eis *qui* sui coetus *erant* similiter faciebat : et, si quis ei in via occurreret, sive pauper sive dives sive mulier, opprobrio magno eos sub praetextibus 25
 * p. 87. afficiebat : * omnibus enim his malis quae faciebat praemium eorum ac remunerationem ducatum sibi pro eis datum iri sperabat : propter hanc enim spem et propter hoc promissum ut in omnia haec mala incideret sese praecipitaverat. Quodam die autem in ipsa *urbe* Hārārā diaconum quendam orthodoxum cum aliis comprehensum fune 30 retrorsum vinxit, et a terra *sublevatum* trabibus tecti tempus longum suspendit : et ille prae angore exclamat ac dicit : « Christe Dei Fili me adiuva. » Et Cometas insolens blasphemias usus est, quam nobis scribere non licuit, ne auditores eius corde percellerentur. Cogebat autem eum oblationem recipere, vel tot et tot daricos 35 dare. Blasphemus enim fuit hic miser et gloriosus. Et haec huius viri pauca *sunt facta* quae narraui, ut videatis cui belluae perniciosae

¹ φωνή. — ² πράξις.

hic sanctus Iohannes traditus sit manibus eorum qui sese pastores ecclesiae vocabant. Quantas blanditias, quanta verba admonitionis religiosae a captivo quem ducebat pro salute animae suae audiebat hic miser! quarum nulla cor eius durum mollivit. Et, cum hic sanctum Iohannem eduxisset, et Gyglyqe¹ iuxta Antiochiam pervenissent, chorepiscopos ecclesiae Antiochiae et oeconomos et vindices² ecclesiae urbis, et notarios eorum atque alios multos in monasterio quod comitis Manassis vocatur cum monachis ipsius monasterii ac vicinorum omni saevitate congregatos invenerunt. Et, cum operarius fatigatus ac defessus intrasset, et Romani qui eum ducebant, et inter eos stetisset, secundum dispositionem suam eum exceperunt: quod sufficit ut audientibus notum faciat quid furor eorum illa hora fecerit. Est enim qui maledicta * in eum effuderit; * p. 88. est qui derisionem disperserit; est qui caput nutaverit: est qui pedes moverit; est qui manus alteram contra alteram pulsaverit: perturbatio enim confusa fuit atque *hominum* frequentia importuna; vesper enim fuit ebrietatis. Et post plagas verborum suorum ei dixerunt: « Nobis a domino patriarcha per hanc epistolam quam nobis misit mandatum est ut in hoc monasterio inclusus caute custodiaris. En! quos te custodituros constituimus et eos qui tecum sunt. Da nomina eorum vindici², et coram eo dicite vos fuga non usuros, ut actionem³ faciamus. » Dixit reus: « Quotidie a me postulatur ut actionem³ faciam. Si custodior, quare de me actio³? » Cuncti autem strepitum contra eum fecerunt et dicunt: « Et facies et custodieris, ne effugias. » Et dixit: « Ego saepe dixi, et nunc iterum dico, si rex mihi imperasset ut fugerem, me non fugitulum fuisse; quia in neminem ulla re noxius sum, neque ulli *homini* quidquam mali a me factum est. » Et post hoc omnes multa clamaverunt; et dixit eis: « Id quod iussi estis facite, neve minas multiplicetis ut socii vestri. Quidquid valetis sumite ac facite. » Et eum in cella angusta incluserunt, quae cubiculi cuiusdam a parte interiore erat, ipsum et quattuor quosdam e *sociis* eius, et repagulam eis obiecerunt. Erant autem qui eum custodituri constituti sunt septem, lectarii⁴ et monachi et vigiles⁵. Unum vero horum ipsorum vigilum Barabbam vocabant, propter facta eius mala, quae eum commendaverunt et vigil factus est in domo Mār Iuliani martyris. Viros enim ac mu-

¹ Vocalia incerta. — ² ἐκδικος. — ³ πράξις. — ⁴ Clerici qui lecticas mortuorum portabant (IUSTIN., Nov., 43; BINGHAM, *Antiq.*, I, p. 336). — ⁵ Presbyteri nocturni officii, ut lexx. ap. P. SMITH, *Thesaurus*, col. 4076.

lieres trahebat et cruciabat et carceribus committebat¹, quia haec-
 * p. 89. resi diphysiticae non communicabant. * Domos etiam fidelium ob
 hanc ipsam causam intrare¹ audebat; et, ut multi dixerunt, etiam
 socii eius qui sanctum Iohannem custodiebant, eum² caedis etiam
 participem esse², cum multis aliis rebus quae ab eo facta erant. 5
 Ecce! haec facta eum commendaverunt et clericus factus est: et,
 quoniam adeo sollers fuit, hunc sanctum custoditurus constitutus
 est. Quae autem mala ei inflixerit, plura sunt² quam ut describan-
 tur. Risu enim multo ac lascivo exagitari solebat, et verbis scurra- 10
 rum ac scortorum; et pugnis et historiis saltatorum³, et delira-
 mento perpetuo: et, ut quod turpissimum est dicam, et facta
 lasciva ac male ordinata quae faciebat, audientibus pudor est. Et
 post id quod fletus et suspiriorum est quod faciebat risus absque
 cessatione ab omnibus audiebatur. Nocte autem in cella illa exigua
 atque angusta cum ipso sancto et eis qui cum eo *erant* pernoctabat 15
 hic Barabbas et unus sociorum eius intra postem ianuae; et ceteri
 socii eius qui extrinsecus *erant* eis ipsis qui intra *erant* repagulam
 obiciebant, et iuxta postem extrinsecus recumbebant: et, quando
 beatus ad mingendum exire quaerebat, qui extrinsecus *erant* repa-
 gulam aperiebant et exibat; et, postquam intravit, eam in loco 20
 proprio occludebant; nec quisquam eorum qui cum eo *erant* cum
 sancto colloqui audebat, nisi furtim egisset et horam observasset.
 Die vero repagulam aperiebant, et, quandocunque quaereret, in
 cubiculum illud exterius exibat, ianuis ac fenestris custoditis; et
 nocte in loco suo inclusus erat. 25

* p. 90. Quendam autem eorum qui cum beato erant, * qui in omni loco
 eum comitabatur et in multis rebus ei Domini nostri causa pare-
 bat, Ephraïm nuntio misso ab eo removit, et in alio loco quae
 duo millia passuum ab eo distabat inclusit; quoniam eum putave-
 rat Iohannem sibi non consentire facere: et duo eorum qui apud 30
 eum ex *hominibus* eius remanserant mentibus coacti reliquerunt eum
 ac recesserunt: qua de causa magis vigilaverunt qui eum custo-
 diebant. Assidue autem ad beatum Iohannem multi mittebantur
 et cum eo disceptabant, et postulabant ab eo ut scripto declararet
 quomodo crederet: et hoc *fecerunt* ut verba contra eum invenirent 35
 quibus eum caperent, et os suum in eum aperirent. Is autem
 absque timore fecit et ad eos misit. Et duobus diebus antequam

¹ *Acta*, viii, 3. — ² Sic textus, contra grammaticam. — ³ *ὀρχησάτω*.

fieret dedicatio¹ ecclesiae Antiochiae, quam Ephraïm secundo aedificaverat², causa eversionis secundae quae ibi eius diebus accidit³, (et episcopi multi et chorepiscopi et periodeutae et festivales(?))⁴ et monachi dicionis Antiochiae, et, ut ita dicam, homines innumeri, congregati erant, quia mandato propter ipsam festivitatem hi omnes congregati erant) archimandrita ipsius monasterii domus comitis Manassis ubi beatus inclusus erat apud Ephraïm intravit (hic ipse autem archimandrita Ephraïm pariter ac Christo morem gerebat), et dixit ei : « Iohannes qui in monasterio meo inclusus est apud
 10 te intrare ac tibi consentire quaerit; et ipse me ad te misit. » Et statim haec fama per totam urbem exiit. Et statim Ephraïm celeriter surrexit et ad eum exiit, episcoporum quibusdam atque aliorum multorum⁵ secum adductis; et nuntio misso eum vocavit, et beatus in atrium monasterii omni fortitudine ad eum descendit; et dixit ei : * « Audivi te apud me intrare quaerere; et dixi »^{p. 91.}
 ego : « Quamquam secundum regulam accuratam⁶ non est, non « intrabit; nam ego ad eum exibo. » Quid fecisti? Quod consilium iniisti? Sanctaene ecclesiae consentis? nolo te in opinione tua permanere. » Respondit Iohannes, eique dixit : « Quando ad te intrare quaesivi? Non omne quod reputatis vobis dicere licebit. Revera non quaero, nec mihi consilium est ut te videam, neque ut intra
 20 portas huius urbis intrem. Abite a me. Non puerulus sum, ut blandimentis afficiar. » Et barbae suae apice comprehenso dixit : « Absit ut haec mea canities ecclesiae Christi pudorem inferat. Hoc ei
 25 simile est de quo me Rhesinae accusavistis, et dixistis scripsistisque me duas naturas dixisse. Revera dico, si venisset Mār Severus patriarcha meus, et mihi imperasset ut Christo duas naturas post unionem adscriberem⁷, me ambabus manibus capiti eius impositis eum anathematizaturum fuisse. Quare sermonem meum Rhesinae interrupistis nec me eum complere sivistis? Veritatis defen-
 30 sionem a me postulavistis, et dixistis : « Fieri non potest ut non duas « naturas post unionem dicas »; et coram vobis recitare incepi, sicut a beato Cyrillo dictum est : « Quando modus incarnationis inquiri-
 « tur, duos⁸ qui alter cum altero ineffabiliter et inexplicabiliter uniti
 35 « sunt mens humana semper conspicit. » Et exinde strepitum contra

¹ ἐγκύβητος. — ² Cf. ΖΑΧΑΡ. RH., x, 5. — ³ Anno 528 (IOH. MAL., p. 442, 443; IOH. EPH., ap. LAND, *Anecd. Syr.*, II, p. 301; EYAGR., IV, 6; THEOPH., A. M. 6021).

— ⁴ Quid sint « festivales » mihi ignotum. — ⁵ Sic textus. — ⁶ ἀκριβῶς. —

⁷ I. e. « dixisset se Christo... adscripsisse ». — ⁸ Vide, p. 52, n. 53.

me fecistis et dixistis me duas naturas dixisse, et quominus cetera adicerem tacui, quae sunt haec, quae clamore vestro exclusistis :
 *p. 92. « Quando autem uniti sunt, nemo ullo modo separat, *sed omnis homo
 « eum qui e duobus est unum esse et Deum et Filium et Christum
 « et Dominum credit et firmiter accipit »¹. Num his *verbis* videor 5
 vobis duas naturas post unionem dixisse, vel ulla re ab eo quod
 sum mutatus esse? Et nunc, dum vivo, et, si fieri potest, etiam
 post mortem, anathematizarem quicumque aliter sentit quam ut a
 sanctis patribus dictum est, a quibus docti atque illuminati sumus. »
 Et Ephraïm, ad archimandritam illum intuitus, dixit : « Noli con- 10
 tristari, domine archimandrita. Hic mentiri solet. » Et statim sur-
 rexit et exiit : et apud Iohannem permanserunt qui contumeliosi
 sunt et irrisores, eumque contumeliis afficiebant. Qui, cum vidisset,
 respondit eis et dixit : « Nobis etiam os est; et, si volumus, contu-
 meliis sicut vos utemur; absit autem ut Christi praeceptum² trans- 15
 grediamur et contumeliis vel maledictis utamur. Non ita didici-
 mus. » Respondit quidam eorum et dixit ei : « Scimus tibi os esse
 quod camelum edit, quod asinum ferum edit » : cum multis aliis
verbis quae, ut solent, dicebant. Et reliquit eos quasi in columna
 stantes et ad locum suum adscendit. Et, facta dedicatione³, qui 20
 congregati erant ad regiones suas recesserunt. Et Ephraïm Con-
 stantinopolim adscendit; et, cum adscenderet, eum qui a Iohanne
 separatus erat ut in alio loco custodiretur mitti iussit ut ad Iohan-
 nem veniret. Et duobus mensibus antequam requiesceret Iohannes
 mortem suam propinquam esse aperte nuntiavit, et visionem etiam 25
 declaravit quam viderat, de qua iuramentum exegit ne diceretur.
 Orationibus autem multis et lacrimis nocte ac die vehemens et stu-
 diosus erat, neque hac re satiabatur neque ab ea cessabat. Verum,
 simul atque hora matutina id quod viderat declaraverat, vespere
 *p. 93. eiusdem diei *beatus quidam sanctus ad eum adscendit, moribus 30
 eximius et operum stupendorum patratore, ut propriis oculis unum
 e miraculis quae fecit vidimus (et nomen eius fuit Heliodorus. Archi-
 mandrita enim fuit unius e monasteriis quae in monte Antiochiae
 sunt. Hic ipse in monasterio comitis Manassis propter eandem
 fidei rationem inclusus erat). Hic ipse senex tribus diebus ante- 35
 quam moreretur supplicationem fecit et ad Iohannem episcopum

¹ P. Gr. (Migne), LXXVII, col. 232, 233; posterioris citationis sensus tantum ap. Cyr. invenitur. — ² MATTH., IV, 44. — ³ *ἑγκαίνια*.

ubi inclusus erat adscendit, et eum iurare fecit et dixit ei: «Per orationes patris nostri spiritualis ac veri Mar Severi pastoris patriarchae nemo cadaveri meo quando mortuus ero aromata imponat nisi tu. His enim diebus moriar. Sed tu quoque noli contristari, 5 sed confortare. Mox enim venies etiam post me.» Et post tres dies hic senex magnus requievit.

Et, ut multi nos docuerunt, a tempore quo hic beatus tonsus est, et ut ipsi etiam tempore illo exiguo quo familiaritate eius usi sumus oculis vidimus, inter labores eius assiduos hic erat. Fecit 10 sibi subligaculum¹ pellis a zona usque ad solum descendens; et tunicam a se exuebat, subligaculo¹ illo indutus, et in sole per totum diem stabat, ministerio atque orationibus vacans. Cutis enim eius aestu solis velut ignis ardore comburebatur. Et die quodam, cum in eum desuper spectaremus, nonnulli adolescentem 15 quendam ei obtulerunt qui a spiritu malo obsidebatur, funibus lineis ligatum, quem ante eum proiecerunt, dum sanctus ille ac fortis in sole stat. Et, oratione super eo facta, eum unctione orationis unxit; et intra tres dies ab eo recessit qui eum vexabat, et ordinatus ac gravis factus est: et *multi Deum laudaverunt, qui se *p. 94. 20 adorantium vocem exaudit et se timentium voluntatem facit. Requievit autem hic sanctus triginta diebus antequam requiesceret pater noster spiritualis. Et indictione prima², quae est annus 849³ secundum numerum annorum Alexandri, mense šēbāt die sexto, sabbato medio die, e mundo exiit hic ipse pastor spiritualis, cuius 25 ante oculos mors sua semper posita erat, et qui horam obitus sui sine oblivione contemplabatur. Et a cella inclusionis eius eductum eum in cubiculo exteriore posuerunt; quoniam fratres ipsius monasterii ab eo aedificati erant, et oculis eorum honoratus erat, quia patientiam eius et gravitatem et mores probos viderant. Et, quia porro 30 archimandrita eorum non aderat quando beatus requievit, omnes sedulo adscenderunt, eumque a loco ubi erat deductum super lectum in martyrio posuerunt: et hoc ipsum filiis ecclesiae nuntiaverunt; et ad vindicem³ ecclesiae miserunt, ut veniret et videret quod Deus eidem sancto fecerat. Quae autem verba de cadavere 35 huius sancti locutus sit ipse qui missus est, cui nomen fuit Parthenius, Dominus noster ei condonet⁴. Dies autem occiderat et tenebrae factae erant; et mandaverunt qui in ecclesia dominabantur,

¹ περιζωμν. — ² πρώτη. — ³ ἑκδιος. — ⁴ Sic textus.

et custodes caute statuerunt, ne quis eum obdormisse perciperet, et strepitus fieret et conturbaretur urbs, et zelo ducti id quod sibi casu obveniret ardentius facerent. Et sepultus est hic ipse sanctus media nocte quae diem dominicam praecedit. Fuit autem universum tempus inclusionis eius anni circulus et dies sex: vixit vero an-
 p. 95. nos LV. Et, priusquam moreretur et praesertim hora mortis, * pro pace sanctae ecclesiae et pro eis qui eum tantum cruciaverant ferventer orabat. Et cessavit labor eius, et navis eius in portum pervenit, quia certamen bonum pugnaverat, et cursum suum compleverat, et fidem suam servaverat: et venit talentum eius cum 10 lucris, et coronam victoriae¹ accepit, quoniam onus diei et calorem sustinuerat². Et iam inter divitias beatitudinum est quas Dominus noster eiusmodi sanctis dixit: «Beati esurientes quia satiabuntur», et: «Beati qui nunc fletis quia ridebitis», et: «Beati estis quando vos opprobriis afficient et persequentur, et nomen vestrum ut malos 15 reicient pro Filio hominis. Gaudete illo die et exultate, quia praemium vestrum magnum est in caelo»³. Ibi enim est regio quam Christus eis promisit in praedicatione sua: «Ubi ego sum, ibi erit etiam famulus meus»⁴: cui gloria in saecula saeculorum.

FINITA EST HISTORIA SACRI AC BEATISSIMI IOHANNIS
 EPISCOPI TELLAE URBIS.

20

¹ Il *Tim.*, IV, 7, 8. — ² *Matth.*, XX, 12. — ³ *Luc.*, VI, 21-23; *Matth.*, V, 11.
 — ⁴ *Ioa.*, XII, 28.

- 317 / Subs.38. A. VÖÖBUS, *Syriache Kanonessammlungen, I. Westsyrische Originalurkunden*. p. 263-620. Cfr vol. 128, 184, 197, 266, 307.
- 318 / Syr.136. R. HESPEL, *Sévère d'Antioche. La polémique antijulianiste*, III, 1971. V: vol. 319. Cfr vol. 93, 101, 111, 119, 133, 244, 295, 301.
- 319 / Syr.137. R. HESPEL, *Sévère d'Antioche. La polémique antijulianiste*, III, 1971. VIII-123 p. — T: vol. 318. Cfr vol. 94, 102, 112, 120, 134, 245, 296, 302.
- 320 / Syr.138. E. BECK, *Des Heiligen Ephraem des Syrers Sermones III*. 1972. XII-74 p. — T: vol. 321. Cfr vol. 137, 152, 154, 169, 174, 186, 198, 212, 218, 223, 227, 240, 246, 248, 305, 311, 322, 334.
- 321 / Syr.139. E. BECK, *Des heiligen Ephraem des Syrers Sermones III*. 1972. XI-162 p. — T: vol. 320. Cfr vol. 145, 153, 155, 170, 175, 187, 199, 213, 219, 224, 241, 247, 249, 271, 292, 306, 312, 323, 335.
- 322 / Syr.140. E. BECK, *Des heiligen Ephraem des Syrers Hymnen auf Abraham Kidanaya und Julianos Saba*. 1972. XI-92 p. — V: vol. 323. Cfr vol. 137, 152, 154, 169, 174, 186, 198, 212, 218, 223, 227, 240, 246, 248, 270, 291, 305, 311, 320, 334.
- 323 / Syr.141. E. BECK, *Des heiligen Ephraem des Syrers Hymnen auf Abraham Kidanaya und Julianos Saba*. 1972. XVI-96 p. — T: vol. 322. Cfr vol. 145, 153, 155, 170, 175, 213, 219, 224, 241, 247, 249, 271, 292, 306, 312, 321, 335.
- 324 / Syr.142. R. W. THOMSON, *Athanasiana Syriaca, III. De Incarnatione contra Arianos; Contra Apollinarium I; De Cruce et Passione; Quod Unus sit Christus; De Incarnatione Dei Verbi; Ad Jovianum*. 1972. XI-166 p. — V: vol. 325. Cfr vol. 257, 272.
- 325 / Syr.143. R. W. THOMSON, *Athanasiana Syriaca, III. De Incarnatione contra Arianos; Contra Apollinarium I; De Cruce et Passione; Quod Unus sit Christus; De Incarnatione Dei Verbi; Ad Jovianum*. 1972. VI-120 p. — T: vol. 324. Cfr vol. 258, 273.
- 326 / Syr.144. R. DRAGUET, *Commentaire du livre d'Abba Isaïe par Dadišo Qatraya*. 1973. 26*-325 p. — V: vol. 327. Cfr vol. 289, 290, 336.
- 327 / Syr.145. R. DRAGUET, *Commentaire du livre d'Abba Isaïe par Dadišo Qatraya (VII^e s.)*. 21*-266 p. — T: vol. 326. Cfr vol. 293, 294, 337.
- 328 / Syr.146. C. VAN DEN EYNDE, *Commentaire d'Isô'dad de Merv sur l'Ancien Testament. V. Ezéchiël, Daniel*. 1972. VII-149 p. — V: vol. 329. Cfr vol. 126, 176, 229, 303.
- 329 / Syr.147. C. VAN DEN EYNDE, *Commentaire d'Isô'dad de Merv sur l'Ancien Testament. V. Ezéchiël, Daniel*. 1972. XXIX-185 p. — T: vol. 328. Cfr vol. 156, 179, 230, 304.
- 330 / Aeth.62. S. KUR, *Actes de Marha Krestos*. 1972. VI-152 p. — V: vol. 331.
- 331 / Aeth.63. S. KUR, *Actes de Marha Krestos*. 1972. XVI-141 p. — T: vol. 330.
- 332 / Aeth.64. M. SCHNEIDER, *Actes de Za-Yohannes de Kebrân*. 1972. VI-50 p. — V: vol. 332.
- 333 / Aeth.65. M. SCHNEIDER, *Actes de Za-Yohannes de Kebrân*. 1972. X-55 p. — T: vol. 332.
- 334 / Syr.148. E. BECK, *Des heiligen Ephraem des Syrers Sermones, IV*. 1973. XI-72 p. — V: vol. 335. Cfr vol. 137, 152, 154, 169, 174, 186, 198, 212, 218, 223, 227, 240, 246, 248, 270, 291, 305, 311, 320, 322.
- 335 / Syr.149. E. BECK, *Des heiligen Ephraem des Syrers Sermones, IV*. 1973. XV-88 p. — T: vol. 334. Cfr vol. 145, 153, 155, 170, 175, 187, 199, 213, 219, 224, 241, 247, 249, 271, 292, 306, 312, 321, 323.
- 336 / S³. 150. R. DRAGUET, *Commentaire anonyme du Livre d'Abba Isaïe (fragments)*. 1973. XXIII-74 p. — V: vol. 337. Cfr vol. 326.
- 337 / Syr.151. R. DRAGUET, *Commentaire anonyme du Livre d'Abba Isaïe (fragments)*. 1973. XXVII-54 p. — T: vol. 336. Cfr vol. 327.
- 338 / Syr.152. A. P. HAYMAN, *The Disputation of Sergius the Stylite against a Jew*. 1973. XII-83 p. — V: vol. 339.
- 339 / Syr.153. A. P. HAYMAN, *The Disputation of Sergius the Stylite against a Jew*. 1973. 88 p. — T: vol. 338.
- 340 / Ar.26. G. GARITTE, *Expugnatio Hierosolymae A.D. 614. Recensiones Arabicae*. 1973. X-105 p. — V: vol. 341.
- 341 / Ar.27. G. GARITTE, *Expugnatio Hierosolymae A.D. 614. Recensiones Arabicae*. 1973. VI-70 p. — T: vol. 340.
- 342 / Aeth.66. V. ARRAS, *De Transitu Mariae Apocrypha Aethiopice, I*. 1973. VII-100 p. — T: vol. 343.
- 343 / Aeth.67. V. ARRAS, *De Transitu Mariae Apocrypha Aethiopice, I*. 1973. XIII-66 p. — T: vol. 342.
- 344 / Subs.39. A. VÖÖBUS, *Handschriftliche Überlieferung der Mēmrê-Dichtung des Ja'qōb von Serjūp I. Sammlungen: Die Handschriften*. 1973. XXVII-203 p.
- 345 / Subs.40. A. VÖÖBUS, *Handschriftliche Überlieferung der Mēmrê-Dichtung des Ja'qōb von Serjūp I. Sammlungen: Der Bestand*. 1973. V-224 p. — Cfr vol. 344.
- 346 / Subs.41. S. GERO, *Byzantine Iconoclasm during the Reign of Leo III: Particular attention to the Oriental Sources*. 1973. XVII-284 p.